

18659

371.19  
5.60

1896

2010

2001

*10*  
ՄԵՅՐԻ ԼԱՅՆԻ

371.19

Մ-60

Printed in Turkey

## ԿԵԱՆՔԸ ԵՒ ԳՈՐԾԸ

معارف عمومیه نظارت جلیل سنك ۱۴ شوال ۳۱۳ و ۱۶ مارت  
۳۱۲ تاریخی و ۳۰ نومروی رخصتامه سیله شر اونشدر

صاراف آمریقان مسیور شرکتی طرفندن تسویه اوندرق طبع اونشدر

ԿՈՍՏԱՆԴՆՈՒՊՈԼԻՍ

ՏՊԱԳՐՈՒԹԻՒՆ

Ա. ՅԱԿՈԲ ՊՈՅԱԶԵԱՆ

1896.

*374*

- 60

4

8715

379  
T-60

ԱՂՋԿԱՆՑ ԲՈՐՉՐԱԴՈՅՆ ՔՐԻՍՏՈՆԵԱԿԱՆ

ԴԱՍՏԻԱՐԱԿՈՒԹԵԱՆ ՀԻՄՆԱԴՐԻՆ

## ՄԵՅՐԻ ԼՈՅԸՆԻ

ԿԵԱՆՔԸ ԵՒ ԳՈՐԾԸ



Աղջկանց բարձրագոյն դաստիարակութեան մեծ գործը որ այսօր բովանդակ քաղաքակրթեալ քրիստոնեայ աշխարհին ուշը դրաւած է, իր ծայրագոյն զարդացման հասած է Անկլօ-Սաքսոն ցեղին բնակավայրերուն մէջ և այդ ցեղին ազգեցութեամբ՝ աշխարհի այլ և այլ կողմերը։ Այս շարժումը իր կազմակերպեալ ու կարգաւորեալ ձեռվ, միայն գրեթէ վաթսուն տարիէ հետէ սկսած է։ Ծնունդ առաւ Մէյրի Լայլնէ, և մինչև այսօր, անոր մտքին ու նկարագրին, և անոր զարմանալի գործադրական կարողութեանց կը պարտի իր յաջողութեան լաւագոյն ու մնայուն հանգամանքները։

Հոս կ'ուզենք Մէյրի Լայլնի կենաց և կատարած գործին վրայ համառօտ տեղեկութիւն մը տալ, որպէս զի, եթէ կարելի է, այդ յոյժ փայլուն կենաց շողերը ցոլանան մեր ժամանակի ու մեր երկրի աղջկանց դաստիարակութեան համար մեր գծած ծրագիրներուն վրայ։

Մեր պատմութիւնը երեք զբանի պիտի բաժնուի, առաջինը պիտի պարունակէ երեսունը թը տարի, Օր. Լայրնի ծնունդէն մինչև այն ժամանակը երբ նա ձեռնարկեց հաստատել Մատունթ Հոյեռքի վարժարանը. Երկրորդը՝ տասնընդինդ տարի, Օր. Լայրնի՝ վարժարանին հիմնարկութեան մեծ ձեռնարկը սկսելէն մինչև իր մահը. և երրորդը՝ քառասունընդինդ տարի, իր մահէն մինչև այսօր։ Այս վեցին շրջանը պիտի պարունակէ իր աղդեցութիւնը մահուանէն ետեւ։

### ԱՌԱՋԻՆ ՇՐՋԱՆ

ՕՐ. ԼԱՅԲՆԻ ԾՆՈՒՆԴԻՆ ՄԻՆՉԵՒ ԱՆՈՐ ՄԵԾ ԶԵՐՆԱՐԿՆ  
Ի ՍԱՌԻՑ ՀԵՏԼԻ

Մէյրի Լայրն ծնաւ Միացեալ Նահանգաց Մասաշուսէց նահանդին Պլըլէնտ քաղաքը, 1797 ֆետր. 28ին։ իր նախնիքը թէ հօր և թէ մօր կողմէ նշանաւոր էին երկարակեցութեան, աղնիւ նկարագրի և ջերմ կրօնասիրութեան համար։ իր հայրը, որ մեռաւ մինչ Օր. Լայրն գեռ վեց տարեկան էր, շատ քացցրարարոյ մարդ մըն էր, մէկը չէր յիշեր որ բարկացոտ խօսք մը հանած ըլլայ բերնէն։ իր ծանօթները շատ կը սիրէին, ու յաճախ կը կանչէին զինք երբ տագնապ, հիւանդութիւն կամ մահ ունենային։ Օր. Լայրն

իր վերջի տարիներուն մէջ մեծ խանդաղատանկով ու ակնածութեամբ կը յիշէր զնաւթէպէտ այդ հօրը մահը՝ պյուին և զաւակները յետին չքաւորութեան մէջ չձգեց, սակայն ասոնք իրենց լեռան վրայի ադարակին մէջ չարաշար աշխատելով միայն կը հանէին իւրենց օրապահիկը։ Մէյրի եօթը զաւակաց հինգերորդն էր։ իր մայրը երեսունընվեց տարեկան հասակին մէջ այրի եղաւ, և դիւցազնական առաջադրութեամբ գոտէպին դեցաւ ընտանիքին թէ՛ հայրը և թէ՛ մայրը ըլլալու — փոքր ադարակին արդիւնքով զաւակները պահելու, կերակրելու, հագուեցնելու, կրթելու և պատրաստելու զանոնք որպէս զիանարատ ու աղնիւ կեանք վարեն։

Այդ լեռնային մաքուր օդին, ծառերուն մէջ, բլուրներուն վրայ, գետակներուն քով Մէյրի ստացաւ այն ֆիզիքական կորովը ուրով կարող եղաւ տոկալ յետագայ աարիներուն տքնութեանց ու հոգերուն ճշշումին, որք թերեւ ուրիշներ վազահաս գերեզման մը պիտի իշեցնէին։ Հոն, խնամոց ներքե մօր մը որ բոլոր շրջակայից համար բարեգործութեան հրեշտակ մըն էր, Մէյրի սորվեցաւ ամէն մարդ սիրել, և ամբողջ կենաց մէջ այնքան զուարթ սիրտ մը կըել որ իր չափահասութիւնը քաջ ճանչցող անձ մը կ'ըսէ, “իր դէմքին վրայ երբեք չտեսայ կնծիռի հետք մը”։ իր ամառուան զգեստին քթանը, և ձեռու անին բուրդը ադարակէն կ'ելլէին,

և մայրը կը դործէր զանոնք իր մանոցով (առաջին) ու հորով (առաջին) մինչև որ իր աղջիկները կարող եղան իրեն օգնել: Ներկերը աղարակն կը հայթայիթէին կամ գիւղէն կը գնէին: Այսպէս Մէյրի պղտիկուց սորվեցաւ քիչով շատանալ, և որ լաւագոյն է, յօժարակամ՝ ձեռքովը աշխատիլ օդնելու իր մօրը այդ քիչը ձեռք բերելու: Կը սիրէր տեսնել քթանին աճիլը, գիտել ոչխարներուն ասրակտուր ըլլալը, և թերեւս նաև գառնուկներուն հոգտանիլ: Իր կօշիկները կը շինուէին գիւղը, իրենց պարարած հորթին մորթէն: Մէյրի կ'օգնէր շինել ասուեակները (ֆանել), վերմակները ու ծածկոցները, որոց մէկ կրղմը կապոյտ էր ձմեռուան համար և միւսը ձերմակ՝ ամառուան համար: Շաքարը կը շինէին գարւան սկիզբները իրենց պարտէզին գոգիէն (առ աղջ) և ամբողջ տարուան համար կը բաւէր: Մէյրի յաճախ իր ձեռքովը շաքար, իմձոր կամ ալիւր կը բաշխէր աղքատներուն: Մայրը սովոր էր ըսել, “Բան մը անպիտան մի՛ կոչեր ցորչափ տակաւին օդուտ մը կրնոյ ունենալ: Խնայութիւն ու անձնուրացութիւն երկու մեծ ակեր են որ բարեսիրութեան աղբիւրներուն ջուր կը հայթայիթեն: Ի գործ գիւր զանոնք քրիստոսի համար, սակայն անոնց վրայ շատ քիչ խօսէ:” Շատեր կը փափաքէին իրենց թանկապին տունկերը Մէյրիի մօրը պարտէզը գնել, վասն զի կ'ըսէին, “Որքեարի Լայընի պարտէզը ամէն բան անվասս կը մնայ:

Օր. Լայընի բոլոր կենաց մէջ մտքէն չէր եւեր հօրը մահուան յաջորդող առաջին ձմեռը, մանաւանդ թախանձագին ջերմեանդութիւնը իր մօրը աղօթքներուն, որոնք կ'ընէր իր զաւակաց հետ ու անոնց համարուու այնչափ որպէս զի երկրաւոր օրհնութիւն ընդունէին, այլ որպէս զի ըլլալին ճշմարիտ ու նախանձաւոր քրիստոնեաներ: Այս ազօթքներուն պատասխան տրուեցաւ: Մանկութեան միջոցին Մէյրիի դաստիարակութեան պատեհութիւնները սահմանափակ էին: Թէև մայրը չէր այսօրուան իմաստով մշակեալ կին մը, սակայն իր զաւակաց աւանդեց շատ մը բաներ որ դրին բարձրագոյն դաստիարակութեան մը հիմը. և Օր. Լայըն, թէպէտերեք չամուսնացաւ, սակայն միշտ ընտանեական կենաց հանդէպ ունէր անշափ ջերմիսանդամնք մը որ դպրոցի մը իր դալափարականը ընտանեական կենաց վրայ ձևեց և ասոր համար յաջողեցաւ: Այս կէտը դարձեալ պիտի ջօշափենք տետրիս երկորդ Մասին մէջ, որովհետեւ մեծ ազգեցութիւն ունեցած է Օր. Լայընի դործին ու անոր հիմնարկած դպրոցին վրայ: Սաութհ Հէտլիի վարժարանին մէջ իր աշակերտներուն օր մը ըսաւ, “Մէր մեծ մայրերը սոսկ տուն դարձնող չէին: Իրաւ քիչ գիւրք կը կարգային, սակայն աղէկ մը կը կարդային զանոնք, խորունկ կը խորհէին, և անոնցմէշատեր միտքերնին լաւ մշակած էին:” Հարիւր

վաթսուն տարի առաջուան Նոր Անդղիոյ (Միացեալ Նահանգաց հիւսիսային արևելեան մասը) տուները մէյմէկ ճշմարիտ մանկապարտէղ էին, այն աստիճան՝ որուն այսօրուան փոքր տղայոց քիչ դպրոցներ հասած են: Բնական է որ առաջին տարիները մանուկը մօրը քով անցընէ: Հոն, Նոր Անդղիացի զաւակը կը սորվէր բացարձակ հնազանդութիւն: Ոչ մի ուսուցիչ Նոր Անդղիոյ ընտանեաց հայրը ու մայրը գերազանցած է մանկանց սիրայօժար հնազանդութիւն սորվեցնելու մէջ: (Յիշուելու է թէ կը խօսինք այն սերունդին վրայ որ 276 տարի առաջ Անդղիայէն Նոր Անդղիա գաղթեցին): Այս է մին նկարագրի կաղմութեան առաջին քայլերէն, և դեռատին հաւատքի ու Աստուծոյ հնազանդութեան մէջ կրթելու ամենէն անվրէպ ճամբաներէն: Նոր Անդղիոյ տան մանկապարտէղին մէջ մանուկը աշխատասիրութիւն կը սորվէր: Առաւոտուն լուսնալէն սկսեալ մինչև իրիկուն, և Երկուշաբթի առաւոտէն մինչև Շաբաթ իրիկուն, վագանձները վերջին աստիճան քիչ ըլլալով, հարիւր վաթսուն տարի առաջուան Նոր Անդղիոյ տունը ժրաշանութեան փեթակ մըն էր: Եւ այս ճշմարիտ էր այդ ընտանեաց ամէն մէկ անդամին, հօրը ու մօրը, որդւոյն ու դուստրին համար: Յաճախ սպասաւոր կամ սպասուհի շունէին, և երբ ունենային, չէին դործածեր զանոնք իրեւ սպասաւոր, այլ իրեւ ոգնական, ու այդ ալ ոչ թէ որպէս զի ըն-

տանեաց տէրը կամ տիրուհին հանդիսա կեանք անցրնեն, այլ որովհետեւ տանը ու ագարակին մէջ գործերն այնչափ շատ էին որ իրենք չէին բաւեր: Փոքրիկներուն ձեռքերն ալ կը վարժեցնէին աշխատելու, հօրը և մօրը օդնելու՝ ամենէն մատաղ հասակէն:

կարդ կանոնի ու ծցութեան դասեր կ'աւանդուէին Նոր Անդղիոյ տուներուն մէջ: “Ամէն բանի համար տեղ մը և ամէն բան իր տեղը,” նշանաբան մըն էր զոր ծնողները ստէպ կը յեղյեղէին իրենց զաւակաց: Վայ անհոգ, թոյլ, տղուն, թէ՛ ըլլար տունը թէ՛ դաշտը: “Բաւական լաւ է”, ըսելու առիթ ունենալ չէր գոհացներ հայրը կամ մայրը: Մանուկները դողդոջուն ձեռքերով կը բերէին իրենց կատարած դործը ծնողաց աչքին առջեւ, աներիբայ ըլլալով թէ ամենափոքր յանցանքը կամ պակասութիւնը պիտի տեսնուէր և պարսաւուէր: Աշխարհիս մէջ եղած չէ աւելի երջանիկ սիրտ մը քան Նոր Անդղիացի մանկան մը սիրտը, երբ հարիւր անդամ անյաջող ելլելէ ետև իր դործը ծնողաց արծուի աշաց նման սուր աչքերուն քննութեան ենթարկած է, շօշափել տուած է զայն անոնց անվրէպ ձեռքերուն, և յետոյ ժպիտի մը փայլիլը տեսած է իր հօրը կամ մօրը երեսը ու լսած է անոր սրտին խորէն ըստուած սախօսերը, “Ապրիս զաւակու:” Միայն մեր ծէ՛րոջը վերջին “Ապրիս”ը պիտի ըլլայ ասկէ աւելի բարձր դովեստ:

Բացարձակ ճշմարտախօսութիւն, միշտ ու  
ամէն մարդու, մին էր այն դասերէն որ  
կ'ուսուցուէին Նոր Անդղիոյ տուներուն մէջ։  
Նոր Անդղիացի ամէն քրիստոնեայ մանկան  
կը սորվեցնէին մահէն աւելի սոսկալ սուտ  
խօսելէ, և ուկիէ ու դոհարներէ աւելի սի-  
րել ճշմարտութիւնը։ Նոր Անդղիացի զաւակին  
խօսքին միշտ կրնայիր վատահիւ։ Նոր Անդղիոյ  
տանը մէջ Աստուծոյ Խօսքը ու Աստուծոյ Օրը  
ակնածանօր կը յարգուէին։ Կիրակի օրը Շա-  
բաթ գիշերէն սկսեալ կը պահուէր յետին  
զդուշութեամբ, ամէն աշխարհային դորերէ  
ետ կենալով։ Կիրակի օրուան պատրաստու-  
թիւն կ'ըլլար Շաբաթ օրը։ Եւ ամբողջ կի-  
րակի օրը, առտուընէ մինչև գիշեր, տեղի  
կ'ունենային հրապարակային ու ընտանեկան  
պաշտամունքներ և կ'աւանդուէին Սուրբ  
Գրոց դասեր։ Բացի այն պարագայէն երբ  
հիւանդութեան պատճառաւ տունը կենալ կը  
ստիպուէին, ամբողջ ընտանիքը եկեղեցի  
կ'երթային, օդը պայծառ ըլլար կամ փո-  
թորկալից, աղօթատեղին մօտ ըլլար կամ  
հեռի։ Մինչև իսկ ամենէն պղտիկները ի-  
րենց մայրերէն կը սորվէին կիրակի օրու ան  
զբոսանքները զանազանել շարժուան բոլոր  
միւս օրերուն զբոսանքներէն։ Եւ լաւագոյն  
բանը սա էր որ բոլոր այս դասերուն մէջ  
հայրերը և մայրերը ոչ միայն դաստուներ  
էին, այլ նաև շարունական կատարեալ օրիւ-  
նակներ։ Սակայն այս հիմնական դասերէն ի

զատ, Նոր Անդղիոյ զաւակներուն՝ տան մէջ  
խնամով կ'ուսուցուէին դրբի հմտութեան ա-  
ռաջին տարերքը։ Բազմաթիւ մանուկներ երբ  
երենց դպրոցական կեանքը կը թեւակոխէին  
արդէն իսկ գիտէին լաւ կարդալ, գեղեցիկ  
դրել, և քիչ մըն ալ մտաւորական թուաբանու-  
թիւն։ Եւ սովորաբար չափահաս տղայք ձը-  
մեռնային երեկոյները փոքր դործերը աւար-  
տելին ետև, ցերեկուան ուսումները կը շա-  
բունակէին, յաճախ հայրը և մայրը ունե-  
նալով քննիչ, որ աւելի խիստ էին քան  
քննութեան համար ընարուած քննիչները։  
Այսպիսի մանկապարտէզի մը մէջ էր որ  
Մէյրի Լայըն անցուց իր մանկութիւնը։ Այդ-  
ժամանակ գեռ չկային հեռածայն, ձայնա-  
գիր, շողենաւ, երկաթուղի, հեռագիր և ե-  
լեկտրական լոյս, և մինչև անգամ չեին երա-  
զեր ձեռակերտական մեծ հաստատութիւն-  
ներու վրայ որոնք այսօր կ'ողողեն զաշխարհ  
մարդոց պէտք եղած և պէտք չեղած բանե-  
րով։ Ի՞նչ անդորրութիւն կը տիրէր յայնժամ  
ի Նոր Անդղիա, ամառը անոր արեափայլ  
դաշտերուն ու խաղաղ տուներուն մէջ, և  
ձմեռը անոր ձիւնազարդ, սառնապատ բլուր-  
ներուն ու հովիտներուն մէջ։ Սակայն և այն-  
պէս մոմէ կամ կիտաճարպէ կանթեղը կը  
լրւաւորէր փոքր խումբեր որ երկայն երե-  
կոները կը բոլորուէին գեղջուկ կրակներու  
շուրջ, որ սէրը օրէնք էր, որ մաքուր,  
ճշմարիտ և հաւատարիմ կենցաղը եր բոլոր

գեղեցկութեամբ կը փայլէր երեկոյեան և առաւօտեան լուսաւորին լոյսին նման փափուկ ու ջինջ լոյսով:

Ճիշդ այսպիսի տուն մըն էր Մէլիքի լայրնի առաջին դպրոցը: Եւ մինչ գեռ հինգ տարեկանէն աւելի չէր, սկսաւ յաճախել մօրը տունէն կէս մղոնի չափ հեռի դտնուող փոքր դպրոցը, տարւոյն այն ժամանակները երբ բաց կ'ըլլար, իբրև դպրոցական, առաջին օրէն մինչև վերջը Մէլիքի իր հասակակից բոլոր միւս աշակերտներէն չատ առաջ էր: Մեծապէս կը սիրէր գիրքերը: Դիւրաւ կը ընար գոց ընել: Թուաբանութեան ու մաթեմաթիքայի միւս բոլոր ճիւղերուն մէջ կը հաս կընար ամէն սկզբունք ու գործողութիւն, դրեթէ առաջին ակնարկով: Սակայն և այնապէս, մինչև որ քսան տարեկան չեղաւ չունէր դաստիարակուելու ուրիշ պատեհութիւն բայց միայն մօտակայ հասարակ դրայրոցներուն մատակարարածը: Քանի մը տարի, տասնը հինգ տարեկան հասակէն սկսեալ, եղբօրը ընտանիքին մէջ տնարարութիւն կ'ընէր: Մինչ տասնըն ութը տարեկան էր, առաջին անդամ դասատուութիւն ըրաւ: Արչափ քիչ տեղեակ էր, ո՞րչափ քիչ տեղեակ էին ուրիշները յայնժամ թէ ի՞նչ մնայուն ու աշխարհածաւալ օգտակարութեամբ գործ մը կը սկսէր նա Ամերիկայի Մասաչուսէտ նահանգին Շելպըրն Ֆոլս կոչուած փոքրիկ քաղաքին մէջ: Մարդ կը ժպտի երբ իմանայ իր

թոշակը . . . շաբաթը երեք քառորդ տոլար, կամ իբր տասնըրութը գահեկան, հանդերձ կերակրով ու բնակութեամբ: Ինչպէս այդ ժամանակին սովորութիւնն էր, կարդով բոլոր աշակերտաց տուները կը բնակէր: Կ'ըսէ թէ ըստ կարգադրութեան, իւրաքանչիւր աշակերտի տունը հինգ օր կը կենար: Ասկէ կը հետևցնենք թէ իր աշակերտաց թիւը քսանի չափ էր: Սայդ ապացոյց կայ թէ իր աշակերտները և անոնց ծնողքը չատ կը սիրէին ու կը յարգէին զինք, թէ նա կ'օդնէր իր աշակերտներուն թէ դպրոցին մէջ թէ դպրոցէն գուրս, թէ միշտ պատրաստ էր ձեռնտու ըլլալ մանողներուն ու կտաւ գործողներուն, ինչպէս նաև տնարարներուն: Սակայն գեռահաս վարժուհին ուրիշներուն չափ գոհ չէր իր յաջողութենէն: Յիրաւի այնչափ քիչ գոհացում կու տար իրեն իր ըրածը որ այդ ամառը չատ անդամներ որոշեց ա՛լ վարժուհիութիւն չընել: Տարիներ ետքը միշտ կ'ըսէր իր աշակերտներուն, “Եթէ վարժուհիութեան սկսիք և չյաջողիք, շարունակեցէր դաս տալ մինչև որ յաջողիք:” Մինչև իսկ Մատունթ չոլեսքի վարժարանին մէջ իր կատարած մեծ գործին մինչև վախճանը իր թոշակը միշտ էր ինչ որ այսօր չատ ողորմելի պիտի թուի մեղ, սակայն ինք բոլորովին անտարբեր էր այդ մասին: Սովոր էր ըսել, “Վարժուհիները մեծ վարձատրութիւն ակնկալելու չեն: Նոյն ողիով ստանձ-

նելու են վարժուհիութիւնը ինչպէս Տէրոջը  
ծառան կը ստանձնէ քարոզութիւնը։”

Երբեմն իր աշակերտներուն կը խօսէր ու-  
սուցչութեան երանութեան, երկնից մէջ  
վարձատրութեան, և մինչեւ իսկ աշխարհիս  
մէջ վարձատրութեան վրայ որ է երախտա-  
դէտ սրտերու սէրը, և կ'ըսէր թէ իրենց  
կեանքը ուսուցչութեան նուիրել կարենալը  
հաճելի առանձնաշնորհութիւն մը համարե-  
լու են։

1847 տարւոյ աշնան, մտաւ Էշֆիլտ քա-  
ղաքին Սէնտըրսբն ակադեմիան որ իր տու-  
նէն չորս հինգ մղոն հեռի էր։ Այդ ժամաւ-  
նակ մէկը ըսած է իրեն համար, “իմացակա-  
նութիւն կտրած է, չզիտեր թէ ինամերու  
մարմին մը ունի։” Սակայն իր ջերմ ու ան-  
կեղծ սիրտը շուտով գրաւեց ընկերներուն  
համակրութիւնը ու վստահութիւնը։ Իր ամ-  
բողջ երեսյթը այդ ժամանակ այնքան ան-  
դուդական էր, ուսման մէջ իր յառաջիմու-  
թիւնը այնքան անօրինակ, իր լայն, արթուն  
գէջը այնքան հրապուրիչ որ ոչ որ ան-  
դամ էր այդ ակադեմիային կրնար երբեք  
մոռնալ զնա, ոչ ալ կրնար մոռնալ թէ  
ինչպէս ուսանողները գիրքերնին վար կը  
դնէին երբ Մէյրի կը սկսէր իր դասը ըսել։  
Կը տեսնէին թէ թէ պէտ տակաւին չյզկուած,  
սակայն շողոզուն ադամանող մըն էր։ Իր  
ծախքերուն համար իր վճարելի ստակը շատ  
քիչ էր։ Վոքը դումար մը ընդունած էր եղ-

բօրմէն, քիչ մը բան ալ ինք շահած էր իր ձե-  
ռաց աշխատութեամբ ու վարժուհիութեամբ։  
Երբ քիչ մը ստակ ալ շահելու համար գրպ-  
րոցէն ելլելու վրայ էր, ակադեմիային ինա-  
մականները քուէարկեցին ձրիաբար անոր  
չնորհել ակադեմիային բոլոր պատեհութիւն-  
ները, այսինքն դասախարակութիւն, գրա-  
տուն, ևն., սակայն ոչ բնակութիւն ու կե-  
րակուր։ ասոր վրայ Մէյրի որոշեց վարժու-  
հիութեան պատրաստութիւն Յետին ծայր իր-  
նայողութիւն ըրաւ ուտեստի ու բնակու-  
թեան և հանդերձի ծախքերը հանելու հա-  
մար։ Այն ընտանիքը որուն մէջ Մէյրի կը  
կենար, կը հաւատային թէ օրը չորս ժամէն  
աւելի չէր քնանար, և իր բոլոր միւս ժամա-  
նակը, հաղճեպով կերուած ճաշերուն դրա-  
ւած ժամանակէն դատ, միշտ կ'ուսանէր։  
Թէպէտ Սկադեմիային մէջ այդ ատեն կային  
առաջնակարգ ուսանողներ, սակայն ոչ ոք  
կրնար անոր չափ լաւ դաս ըսել։ և այնչափ  
շուտով կը սորվէր իր դասերը որ ուսուցիչը  
իրեն արտասովոր դասեր տուաւ որպէս զի  
կանոնաւոր դասերը իր դասընկերներուն չափ  
սորվի և անոնցմէ առաջ չանցնի։ Սակայն  
իր կարողութիւնները որչափ որ կը ծանրա-  
բեռնուէին՝ այնչափ կը թուէր թէ կը զօրանա-  
յին։ Վերջապէս ուսուցիչը անոր տուաւ լա-  
տիններէն Քերականութիւնը, պատուիրելով  
որ արտասովոր դասերը ծգէ մինչ այդ քե-  
րականութեան գլխաւոր մասերը դոց կ'ընէ,

կարծելով որ սա չաբաթներով պիտի զբաւ դեցնէ զնա: Գիբը դասատուին դարձուց եքեւ օրէն, ամբողջը կատարելապէս սորված:

Շուտով ամէն կողմէ իրմէ դաս առնելու մեծապէս փափաքողներ ելլել սկսան: Այս պէս մէյ մը կ'ուսանէր, որ յաճախ մասնաւոր նիւթ մը կ'ըլլար՝ որուն մէջ կը դդար թէ տկար էր, մէյ մը դասատութիւն կ'ընէր այնպիսի անձերու կամ կարգերու որոց վընարումները զինք կարող կրնային ընել վերըստին ուսման պարապելու համար պահանչուած գումարը վճարել: Այսպէս ի ֆօնուէյ թէ դասատութիւն կ'ընէր թէ կը սորվէր բնական գիտութիւն ու գծագրութիւն, բընակերով Տր: Հիշքոքի ընտանեաց մէջ որ յետոյ եղաւ Ամէրսթ գոլէճի տնօրէն ու իր ցկեանս բարեկամը:

Հիմա կու գանք այն գէպքին որ երկու տէսակէտով Օր: Լայրնի կենաց համար շատ կարևոր չըշան մը եղաւ, այսինքն 1824ին քըսանըսորս տարեկան հասակին մէջ Մասաչուսէց նահանդին Պայֆիլտ քաղաքը բնակող Պատ: Ճողէֆ կ'ըրսընէ դաս առնել սկսիլը: Մէյրիի համաշափ և ներդաշնակ մտաւորական զարգացումը այս ժամանակ ծնունդ առաւ: Հիմա սկսաւ ստանալ մնջի այն մարդանքը որ ամէն հմտութենէ գերազանց է: իր Պայֆիլտ կենալուն սկիզբներն էր որ հաստատ առաջադրութեամբ և իր հոգեոր կարութիւնը սրտին խորէն դդալով ինք-

զինք նորիեց Քրիստոսի ծառայութեան: Այս ժամանակին սկսեալ մինչեւ իր կենաց վախճանը, ոչ միայն համոզմամբ, այլ դորձնականապէս՝ իրեն համար իր պարտականութիւնը դէպ Աստուած ամէն բանէ առաջ էր, հաւատք ու սրտի նորիրումը ամէն սոսկական մտաւոր զարդացումէ գեր ի վերս էր: Այսպէս կ'ապրէր և կ'ուսուցանէր: Այս համոզմանց ու սկզբանց վրայ էր որ յետոյ Մատնթ Հոլեռքի վարժարանը կանգնուեցաւ: ասոնք էին տարերքը որոցմով մնան հազարաւոր աղջիկները որոց միտքերուն ու նկարագիրներուն իր ուղած ձեր կու տային իր հուժկու և վարժ ձեռքերը:

Մր: Կ'ըրսըն շուտով հասկցաւ թէ Օր: Լայրնի միտքը արտակարդ կարողութիւն ունի, և թէ յարատև կրթութեան ենթարկուելու է որպէս զի անոր լման զօրութիւնը, գեղեցկութիւնը և ներդաշնակութիւնը ի յայտ դայ: Ասկէ առաջ գիլքերու գիտութիւնը շատ գիրաւ կը սորվէր, սակայն գեռչը գիտար իր հմտութիւնը գործածել: Դեռչը կրնար զանազանել գիտութիւնը իմաստութենէ: Մր: Կ'ըրսընի առաջնորդութեան տակ, սորվեցաւ իր մտքին ու հմտութեան տէր ըլլալ և գործածել զանոնք: Մր: Կ'ըրսըն տեսաւ նաև թէ Մէյրի պէտք ունէր իր անձը Քրիստոսի նորիրելու, վասն զի գեռ կատարելապէս նորիրած չէր իր անձը, իր կարողութիւնը և կեանքը Քրիստոսի հա-

մար իր սերունդին ծառայելու ։ Գրեթէ ան-  
միջապէս միջոցներ ձեռք առաւ զայս դոր-  
ծաղրելու, և Մր. Էմբրոսընի խմաստուն կրը-  
թութեան ներքեւ իր ամբողջ ուսման ընթաց-  
քին բնական հետևանքն եղաւ առողջ, յըդ-  
կեալ և հասուն մտաւորական զարգացում։  
Նոյն ինքն Օր. Լայրն վերոյիշեալ մարդուն  
ազդեցութեան ներքեւ մտնելը միշտ կը նկա-  
տէր իր կենաց համար կարեոր թուական մը։  
Մէյրի, մահուանէն քիչ առաջ, ըստ թէ  
աւելի բան կը պարտէր Մր. Էմբրոսընի քան  
ու է ուրիշ ուսուցիչի ։ Թէ՛ ուսուցչութեան  
թէ՛ ուսման մէջ, էական կարեորութիւն ու-  
նի լաւ սկզբնաւորութիւն մը ընել, և Մէյրի  
միշտ կը զգար թէ զայդ ըրաւ ի Պայֆիլս։  
Այս դպրոցը կը նկատէր իբրև այն տեղը  
ուր սորվեցաւ թէ ճշմարիտ դաստիարակու-  
թիւնը կը նշանակէ ուսանելէ ու դասը ը-  
սելէ աւելի բան մը, կը նշանակէ իւրայնել  
ու դորձագրել դորձելու մեծ սկզբունքներ,  
սրտին մէջ վառել զօրաւոր փափաք մը ու-  
րիշներուն երջանկութեան համար աշխատե-  
լու ։ Մինչ Պայֆիլս կը գտնուէր, բան մը  
որ յետոյ միշտ իրեն յատուկ եղաւ իբրև  
վարժուհի և դպրոցի տնօրէնուհի՝ իր հա-  
մոզմանց մէջ բարձր տեղ մը դրաւեց,  
այսինքն Սուրբ Գրոց խնամու ուսման բարձր  
դիրք տալ ամէն կատարեալ դաստիարակու-  
թեան դասընթացքի մէջ։

Մինչ անոր ուսուցիչները հաճոյք կը զգա-

յին իրենց աշակերտէն և կը փափաքէին ա-  
նոր հրաշալի կարողութիւնները ըստ պատ-  
շաճի զարգացնել, Մէյրի երախտագիտու-  
թեամբ ամէն թելագրութիւն միտք կը պա-  
հէր ու կը ջանար անմիջապէս դորձագրել զա-  
նոնք։ Իր հաւատոյ կենաց մէջ, այդ ատեն  
շատ խոնարհ, պարկեցտ և զգուշաւոր էր։

1821 տարւոյ աշնան կշիլտ վերադար-  
ձաւ Սէնտըրսըն Ակադեմիային մէջ վարժու-  
հիութիւն ընելու ։ Իր մեծարանքը Սուրբ  
Գրոց մասին այնչափ ջերմ էր և պատկառանքը  
այնչափ խոր որ դաս սուած ատեն կը  
յիէր և կը ցուցնէր այդ դիրքին գեղեցկու-  
թիւնը ու վսեմութիւնը։ Նաև մեծ ախորժով  
կը խօսէր բնական կրօնքի սկզբանց վրայ։ և  
երբ բնական դիտութիւն — աստղաբաշխու-  
թիւն, ևն։ — կ'աւանդէր, ամեննեին առիթ  
չէր փախցներ իր աշակերտուհեաց մտքին  
վրայ տպաւորելու Աստուծոյ զօրութիւնը, ի-  
մաստութիւնը և բարութիւնը որ կը տեսնուի  
իր դորձերուն մէջ։ Սակայն և այնպէս, դեռ  
չէր ջանար այնչափ յայտնի կերպով, որչափ  
երբ իր անփոփոխ սովորութիւնն էր ընել  
յետագայ տարիները, իր սաներուն սրտե-  
րուն վրայ դորձագրել կրօնի դորձնական  
ծշմարտութեանց հողեկան զօրութիւնը։  
Քրիստոսի համար աշխատելու փափաքը՝  
դեռ չէր իր սրտին անշագ տենչանքը, ինչ-  
պէս եղաւ ետքը։

Տասներեք տարի, 1821 էն մինչեւ 1834,  
մեծաւ մասամբ ուսուցչութիւնը ըրաւ, և այս

Եր իր զբաղումը նաև 1824էն մինչև 1834 ամբողջ տասը տարիներուն միջոցին։ Նաև այս ժամանակին վեց եօթը տարիներուն մէջ, երբ կը գտնուէր ի ծէրը ուր իրեն ընկերունէր Օր. Կրանթ և յիշառիչ՝ տարւոյն մեծ մասը դպրոց կը վարէր մեծ յաջողութեալիք, և տարւոյն միւս կիսուն մէջ այդպէս կ'ընէր երբեմն Պըքլէնտ, երբեմն լշֆիլտ, երկու աեղերն ալ իր բնակավայրը ըլլալով։ Սոսկ այս երկու գործերն ալ միասեղ ընելուն իր առողջութիւնը աւրել սպառնալուն համար էր որ 1830էն ետև հարկադրուեցաւ մի՛այն իփսուիչի գործը շարունակել, մինչև որ վերջապէս, չորս տարի ետքը, ամէն ուրիշ գործառնութենէ հրաժարեցաւ՝ իր բոլոր ժամանակը յատկացնելու այն գործին զոր հիմանալի կերպով կատարեց իրկենաց վերջին տասնը հինգ տարիները։

1824էն մինչև 1834, տասներեք տարիներուն միջոցին առանց իրեն կամ ուրիշ մէկու մը գիտնալուն կամ երազելուն, կը պատրաստուէր այն աւելի մեծ գործին որ իրեն համար պահուած էր։ Այդ տարիները անգուլ կը պատրաստէր և իր գործով կը լուսաբանէր ու կ'իրականացնէր աղջկանց լիակատար դաստիարակութեան համար հաստատութեան մը իր գաղափարականը։ Կ'ամ բարէր այն փորձառութիւնը վարժուհիութեան, իր աշակերտաց հանգէպ հոգածութեան ու կաղմակերպեալ կը թութեան, յա-

ջող վարչութեան վերաբերեալ ամէն բաներուն մէջ զանոնք դաստիարակելու մասին, և ի գործ կը զնէր այն աղդեցութիւնը աշակերտաց վրայ, անոնց ծնողաց վրայ, պաշտօնական բարձրաստիճան անձանց վրայ, որ վերջին աստիճան պիտանի ու կարեոր եղան իր մեծ ձեռնարկին համար ի Սառութհ չէտիի։

Շահեկան ու հետաքրքրական է նաև հետեւիլ Օր. Լայրնի, այդ տասներեք տարիներուն միջոցին առած իւրաքանչիւր քայլին ու ըով անոր միարքը ու նկարագիրը և աղդեցութեան կարողութիւնը զարգացան, սակայն աետրակիս փոքրկութիւնը կ'արգիլեն մեզ թէ՛ ի ծէրը և յիշառիչ թէ՛ ի Պըքլէնտ, այսինքն, թէ՛ այն կազմակերպեալ գպրոցները ուր Օր. Կրանթ իրեն ընկեր էր, և թէ՛ իր տան մէջ անկախ ձեռնարկը, կրնայ ըստուիլ թէ ընդարձակ ասպարէղ կը հայլայթէնն կանացի լաւագոյն կարողութեանց։ Երկու գպրոցներն ալ միանգ ամայն կը վարէր և վըստանգ կար որ հիւանդանար, վասն զի գրեթէ անկարելի էր զինք համոզել որ ձգէ մին։ Դժուար է ըսկել թէ՛ ո՛ր աեզր իր աշխատութիւնները աւելի արդիւնաւոր էին, վասն զի շատ գժուար եկաւ իրեն որոշել երբ հարկադրուեցաւ մէկէն հրաժարէլ, թէ որմէ՛ հրաժարելու էր։ Ի Պըքլէնտ իր վարած գպրոցին աշակերտաց թիւը քսանը հինգէն հարիւրի բարձրացած էր, և այս աշակերտաց գրեթէ բոլորը չափահաս աղջիկներ էին, որ կու դային

Օր. Լայընի՝ աւելի լաւ պատրաստուելու վարժուհութեան։ Բաց ասաի, ձմեռնայինն շրջանին մը միջոցին խորարմատ ու զօրաւոր հոգեսոր արթնութիւն մը սկսաւ դպրոցին մէջ։ Ոսոր մէջ կը տեսնենք լաւագոյն ապացոյցը վերը յիշուածին, այսինքն թէ մինչ Օր. Լայըն կը շարունակէր դաստիարակել ու կրթել գեռատիները՝ հետզետէ աւելի առաջնութիւն կու տար աստուածաշնչական պատուէրներուն իրենց ամենէն անհատական ու գործնական ձևով, խորապէս զգալով իր պատասխանատութիւնը իրեն յանձնուածներուն հոգեոր վիճակին մասին։ Արդէն իսկ ի Պըքլէնտ իր այս աշխատութեամբը ցուցուց իր նպատակը, — որ այնչափ յայտնի կերպով ի յայտ եկաւ ի Սառութիւն չէտի իր ծրագիրներուն ու գործին մէջ, — այսինքն աշխատիլ ոչ այնչափ հարուստին կամ աղքատին համար, այլ ընկերութեան այն մեծ միջնն դասակարգին համար որոց մէջ ամենէն աւելի բեղմնաւոր կ'ըլլան կրթական աշխատութիւնները, եթէ քիչ ծախքով անոնց դաստիարակութեան առիթներ ընծայուին։ Յաճախ իր աշակերտաց կը նուիրէր օրը տամներկուժամ. զարմանալի չէ որ ի Պըքլէնտ աշակերտաները կը սիրէին և անոնց ծնողքները կը յարգէին զինք։ Պըքլէնտի դպրոցը 1830 Մարտ 9ին վերջնականապէս փակելէն անմիջապէս ետքը այսպէս կը դրէ քրոջը. “Շարաթ մը կ'ընէ որ աշակերտներէս բաժնուած եմ. կը հաւատամ

որ իմ դպրոցներս ամէն ձմեռ հետզհետէ աւելի ընդունելութիւն կը գտնէին և բոլորս ալ կը կարծենք թէ այս ամենէն աւելի ճշմարիտ է վերջինին համար ։ Երբեք տեսած չեմ այս չափ զարգացում բարի նկարագրի մէջ և ջերմ փափաքի մէջ հեղութիւն, խոնարհութիւն մշակելու ։ Բարեսիրութեան ձգտում մը աճած է մեր մէջ այն աստիճան որ վտարած է ամէն անձնասիրութիւն։ Մեր կէտ նպատակին ըրած ենք լայն և ուղիղ տեսութիւններ ունենալ մեր պարտականութեանց մասին։ Շատ մը մոտացի, բարեկիրծ աղջիկներ, որ զեղիսութեան գողը մեծցած էին, խորհեցան թէ պարտէին յօժար ըլլալ Յիսուսի համար երթալ աշխարհի ծայրերը դաստիարակելու աղքատները ու անուանները։ Սակայն ամենէն աւելի, Սուրբ Հոգւոյն այցելութիւնն ընդունած ենք։ Երեսունէն աւելի աղջիկներ յայտարարած են թէ գտած են զթիսուս, և անոնք որ զնա կը սիրէին առաջ, աւելի կենամի քրիստոնեաներ եղան։”

Իմաստիչի դպրոցին, որոն աշակերտաները 1831 ին էին թուով գրեթէ երկու հարիւր, դրեթէ բոլոր տնօրէնութիւնը Օր. Լայըն իր վրայ առած էր 1830է ետև։ Իր ժամանակին մեծ մասը տուաւ դպրոցին ընդհանուր հոգածութեան ու տեսչութեան, և միայն երկու երեք դաս կու տար։ Խորագանչիւր ուսանողի վերջին ծայր խնամ կը տանէր։

դեռահաս վարժուհիները կը խրատէր, առնոց դասերուն ներկայ կ'ըլլար, և բազում ընդհանուր հրահանգներ կու տար ամբողջ դպրոցին։ Հետագայ դէպքը կը ցույնէ թէ ի՞նչպէս հօն՝ որպէս նաև ի Սառթհ Հէտիր, ունէր այն ճարտարութիւնը կառավարութեան ու կրթութեան որ դասառուներու համար այնքան կենսական է որչափ հաղուադիւտ։ Ուզեց նոր կանոն մը հաստատել և նոյն ատեն ինքնակրթութիւն ու նկարագիր դարգացնել իր ուսանողաց մէջ։

Առաւոտուն կանուխ ելլելու վրոյ էր։

“Կանուխ ելլելը, աղջիկներ, չէ ո և է մասնաւոր ժամու մը ելլել։ վասն զի այն ժամը որ մէկուն համար կանուխ է, կրնայ միւսին համար ուշ ըլլալ։ Ո և է անհատի համար կանուխ ելլել՝ է իր պարագաներուն պատշաճող ամենէն կանուխ ժամուն ելլել։ Ելլելու ժամանակը պէտք չէ որոշուի առաւոտեան նինջերուն կէս արթուն կէս քուն անընջից հեշտալի վայրէեաններուն, այլ ուրոշումը պէտք է տեղի ունենայ երբ արթուն էր, և ձեր բոլոր կարողութիւնները պատրաստ են գործել։ Որոշած ատեն ի հաշիւ առնելու էր տարիքնիդ։ Դեռահանները, որ տակաւին չեն առած իրենց տարիքը, տարիքուներէ աւելի քնոյ կը կարօտին։ Պէտք է ի նկատ առնէք ձեր առողջութիւնը։ Տկարները յաճախ աւելի քնոյ պէտք ունին քան զօրաւոր ները ու առողջները։ Զանաղանութիւն մը

ընելու է նաև տարբեր խառնուածք ունեցողներուն համար։ Ոմանց ուրիշներէ աւելի քուն պէտք է, սակայն անոնք որ շատ քնոյ կը կարօտին, այդ յաւելուած ական քունը առնելուան կանուխ ժամերուն։ Ակէս գիշերէ առաջ մէկ ժամուան քունը անեկէ եռքը երկուքին հաւասար է։ Աղջիկներ, հոս մեծ ծախքեր կ'ընէք. կերակուրի ու բնակութեան և ուսման համար ձեր վճարածը մեծ գումար մըն է, և ձեր ժամանակը երկուքէն ալ աւելի թանկագին է. սակայն հոս ձեր տուած ստակին ու ժամանակին համահաւասար արդիւնք մը ձեռք բերելու համար, կարդ կանոնով ապրելու էք, և այս անկարելի է առանց որոշելու ելլելու մասնաւոր ժամ մը։ Եթէ հինգն է այդ ժամը, և եթէ ժամացոյցը զարնելը չմնցուցած ոտքի վրայ էք, յայնժամ ճշգապահ էք. սակայն եթէ հինգը անյնելէն եաքը հինգ վայրէեան և մինչև իսկ մէկ վայրէեան ալ պառկիք՝ ծանրաշարժ եղած կ'ըլլաք, և ուստի ձեր անձին նկատմամբ քիչ մը մեծարանք նուազ ունենալու էր։ Անոնք որ առաւոտուն իրենց կորսնցուցած կէս ժամին տեղը լիցնելու համար արբողջ օրը ասդին անդին կը վաղեն՝ լաւ գործ չեն կրնար յառաջ բերել։ Կրնանք ճանանալ զանոնք իրենց ձեռնոցին վրայի ճեղքուածէն, գնդասեղով գլխարկին կցուած դերձանէն, վանդակասիւնին վրայ թողրուած շալէն զոր ժամանակ չունէին կախել, ոյն-

այնչափ կ'աճապարէին իրենց կորուսած երեւառն վայրկեանը վերստանալու համար։ Պիտի տեսնէք որ զրօսանիքի ժամանակ գիրքերը կը բանան և կը ջանան դաս սորվիլ, սակայն զուր ջանք, երբեք պիտի չվերստանան իրենց կորուսած կէս ժամբ։ Բարի մարդիկ, Արքա համէ մինչև Ուաշինկուլըն, կանուխ ելլող էին։

“Արդ, աղջիկներ, կ'ուզեմ որ ամէն մէկդ ելլելու ժամ մը որոշէք շաբաթուան մը համար։ Երբեք մի որոշէք կանուխ ժամ մը, ձեր նկարագիրը վնաս պիտի կը ոչ այնչափ ուրովհետև կ'որոշէք ժամը վեցին ելլել՝ մինչ առանց ձեր առողջութիւնը խանդարելու կը ընաք հինգուկէսին ելլել, այլ որովհետև կարելի է չկրնաք ձեր որոշումը գործադրել։ Արդ, ով որ իր ելլելու ժամը որոշած է շաբաթուան մը համար, թող ձեռքը վերցնէ” (քանի մը ձեռքեր չեն վերցած)։ “բոլորդ ալ ուաք ելէք։ Հիմա անոնք որ իրենց ելլելու ժամը որոշած են՝ թող նստին,” (ումանք տակաւին կայնած կը մնան) “անմիջապէս երբ որոշէք, նստեցէք։”

Ոնչուշտ աղջիկ մը այս պարագային տակ երկար ատեն ոտքի վրայ չէր կրնար մնալ։ Յաջորդ օրը ուզեց գիտնալ թէ քանի՞ հոդի իրենց որոշումը գործադրեր էին։ Դիւրին է գուշակել թէ այս տեսակ կը թութիւնը ի՞նչ ազնուացուցիչ բարոյական մղում կու տար ճշմարտութեան և խղճմասութեան վարժուած աղջկանց։

Ուրիշ օրինակ մը կրնայ մէջ բերուիլ եր Պըքէնտի դպրոցէն։ Որոշած էր որ ամէն աշակերտ Քոլպըրնի Մատաւոր Թուաբանութիւնը սորվի, և այդ մտօք ծանոյց շաբաթ առաւոտ մը։ Իր արթուն աչքը տեսաւ թայուն փոթորիկը զոր այդ յայտարարութիւնը յարուցած էր։ Գիտէր, թէ չէր տեսներ, թէ չափահաս աշակերտները փոքր խումբերով կրկին և կրկին զայրոյթով պիտի խօսէին այդ իր որոշման վրայ, և յետոյ, հաւանօրէն պիտի զրէին իրենց ծնողքներուն, գանգատելով որ իրենց դաս մը յանձնուած է որուն առաջին հարցումն է, “Այ ձեռքդ քանի՞ մատ ունի?”. Սակայն և այնպէս անոնք որ այս զիրքին ծանօթութիւն ունին, գիտեն թէ լեցուն է առանց ձեռքի օգնութեան մտքով լուծուելու խնդիրներով, որ կը պահանջեն մեծագոյն ուշադրութիւն, դորաւոր յիշողութիւն և հաշուի վարժ միտք։ Երկուշաբթի առաւոտ, մեծ էր բոլոր գպրոցին զարմանքը երբ Օք. Լայրն, կարծես մարդարէական թափանցումով ըստ, “Հիմա, աղջիկներ, պիտի չզարմանամ եթէ զգաք թէ չէք կրնար ձեր ժամանակը ու ստակը վատնել մատերը համբելու, այսինքն Քոլպըրնի Առաջին Դասելը սորվելու։ պիտի չզարմանամ եթէ զգաք թէ ձեր ծնողքը պիտի չյօժարին որ այդպէս ընէք, սակայն ինձի կու գայ թէ աւելի աղէկ կ'ըլլայ որ տակաւին չգրէք այդ բարի ծնողքներուն։ Վախնամ

շատ պիտի խռովին, և իրաւամբ կը կարծեմ  
որ Քոլպըրնի Թուաքանութիւնը ուսանելով  
պիտի գտնէք որ ձեր կարողութիւնները ա-  
ւելի կը ծանրաբեռնին քան զոր հիմա կը  
կարծէք : Զէք կարծեր թէ աղեկ կ'ըլլայ որ  
երկու շարաթ փորձէք զայն, և եթէ ուղէք  
յայնժամ ձգել, թերես հաւանիմ: Երբեմն  
միտքս կը փոխեմ, երբեմն ազջիկներս կը  
փոխեն իրենց մաքերը, և վստահ եղէք թէ  
պիտի չուզեմ որ Քոլպըրնի Առաջին դասերը  
սորվիք եթէ դուք չուզէք:” Քանի մը դան-  
դատանաց նախակներ որ դրուած էին՝ նա-  
մակատունը չդրկուած կրակը նետուեցան:  
Երբ ձմրան վախճանէն առաջ այնչափ զար-  
դացած էին որ գիրքին ամենէն դժուար  
հարցութեարուն անմիջապէս կրնային պատաս-  
խանել, բոլոր աշակերանները իրենց վարժու-  
հին իմաստութեան հաւնեցան:

Կրթելու մեթոս մը կար, զոր Օր. Լայըն  
առվոր էր միշտ ի կիր առնուլ: Երբ անխոր-  
հուրդ աղջիկ մը խնդրէր չնորհք կամ բա-  
ցառիկ առանձնաշնորհութիւններ հակառակ  
պատշաճութեան, և կամ հիւանդ ըլլալուն  
համար խնդրէր որ կերակուրը իր սենեակը  
տարուի, Օր. Լայըն հանդարտութեամբ իր  
վրայ կ'առնէր անոր ընելիք զործը, և առանց  
այլմէն մարդ իր դործով զբաղեալ է” ըսելով  
յանդիմանելու՝ այդ չնորհքը խնդրող աշա-  
կերտին կը ծառապէր: Ոչ մի աղջիկ հաւանա-  
կան է որ ենթակայ պիտի ընէր ինքզինք նո-

ըէն այս ամօթին զոր իր վրայ կը բերէր ա-  
ուընչութեան այսպիսի փոփոխում մը:

Մէյրի Լայընի կենաց մէկ գէպքին որ այս  
շըանին մէջ պատահեցաւ, լու կ'ըլլայ տե-  
ղեկանալ, վասն զի կը ցուցնէ թէ ո՛քափնուի-  
րած էր իր կեանքը աղջկանց բարձրագոյն  
գաստիարակութեան դորձին: 1830ի ամառն  
էր, երբ յարդելի մարդէ մը՝ զոր շատ կը մե-  
ծարէր, ընդունեց ամսւանութեան առաջար-  
կութիւն: Մեծ փորձութեան ժամ էր, և Միա-  
ցեալ Նահանգաց իգական սեռին գաստիարա-  
կութեան ճակատագիրը ահա պիտի վճռուէր:  
Շատ հաւանական է որ եթէ արդէն իսկ յդա-  
ցած չըլլար աղջկանց մնայուն վարժարանի մը  
գաղափարը, որ, ինչպէս յետոյ պիտի տես-  
նենք, իր ուշը բոլորովին դրաւեց, մինչև որ  
իրագործուեցաւ Մառնթ Հոլեռքի վարժարա-  
նին հաստատումով՝ այդ առաջարկութեան  
իր տուած պատասխանը տարբեր պիտի ըլ-  
լար: Ինչպէս որ տեսանք, ընտանեկան կեանքը  
վերջին աստիճան կը սիրէր, և Մէյրի հեռի  
էր համակ իմացականութիւն ըլլալ: Երբէք  
կնոջ մը կուրծքին մէջ չէ բարախած աւելի  
չերմ, աւելի լայն սիրտ մը: Պարզապէս, դիւ-  
ցակնական հաստատամութեամբ ինքզինքը  
զրկեց ընտանեկան կենաց հաճոքներէն,  
որպէս զի ճոխապէս օրհնէ ամէն երկրաց  
բնւրաւոր ընտանիքները: Եւ երբ որոշումը ը-  
րաւ, անդառնալի էր: Այդ ժամէն՝ նոր եւ  
ուսնդով նուիրեց անձը իր կենաց մեծ գործին:

## ԵՐԿՐՈՐԴ ՇՐՋԱՆ

1834—1849

ՄԱՍԻՆՔ ՀՈԼԵՈՔԻ ՎԱՐԺԱՐԱՆԸ ՀԻՄՆԱՐԿԵԼՈՒ  
ԶԵՐՆԱՐԿԵԼՈՒ ՄԻՒԶԵՒ ՕՐ. ԼԱՅԵՆԻ ՄԱՅԵ

Օր. Լայընի այս ձեռնարկին նշանակութիւնը ըստ արժանությն հասկնալու համար, ակնարկ մը նետելու ենք 1834 տարւոյ իւդական սեռին դաստիարակութեան կայութեան վրայ։ ինչ որ հիմա կը կոչենք աղջկանց գոլէճի դաստիարակութիւն, յայնժամ բուլըրովին անձանօթ էր բարձրագոյն դաստիարակութեան պատեհութիւններէն միայն տղայք կրնային օգտուիլ։ թէ՝ աղջիկներ և թէ՝ տղաքներ կը յաճախէին հասարակ դպրոցները, և այս հասարակ դպրոցներուն մէջ սովորաբար ամառը կ'ուսուցանէին աղջիկներ, երբ մեծ աշակերտներ չկենային։ սակայն ձմեռը՝ ոչ երբեք աղջիկներ։ Այսօր ուան կարգաւոր դպրոցաց դրութիւնը զոյութիւն չունէր։ Գոյէճներու մէջ երկսեռ դաստիարակութիւնը տակաւին իրականութիւն չէր, թէև ի դորձ կը դրուէր ինչ ինչ ակադեմիաներու մէջ։ Աղջկանց համար քանի մը բարձր վարժարաններ կային, սակայն անհատական ձեռնարկներ էին և չունէին դրամագլուխ և ուստի չէին հասաւատուն։ Հարուստներուն համար հիմնուած էին, և իրապէս միջին դասակարգին անմատչելի էին։

Անշուշտ աղքատները երբեք չէին կրնար հոն յաճախել։ Նաև, այս վարժարաններէն շատերուն մէջ, դաստիարակութիւնը գործնական չէր, աւելի պաճուճանքի կը ծառայէր, և ուր որ այսպիսի արդիւնաշատ դպրոց մը կը գտնուէր, ընդհանրապէս անոր կեանքը իր հիմնադրին և անօրէնին կենաց չափ միայն երկայն կ'ըլլար։

Ինչպէս վերը ակնարկուեցաւ՝ Օր. Լայըն 1830էն սկսեալ, և աւելի եռանդով 1834ին յիսուսուիչ բնակութեան վերջին տարւոյն մէջ, փարեցաւ մնայուն դրամագլուխով օժտուած քրիստոնեայ վարժարանի մը գաղափարին, ուր միջակ կարողութեամբ ընտանիքներու աղջիկներ ստանան ճշմարիտ զոլէճի կրթութիւն և այսպէս պատրաստուին դրաւել բարձրագոյն դիրքերը որոց կանչուած են կանայք խորհրդոյ ու գործոյ աշխարհին մէջ։ Քրիստոնեայ աշխարհ այսօր բազում այսօրինակ հաստատութիւններ ունի. 1834ին հա՛տ մը չունէր։ Պիտի ջանանք հիմա ցուցնել թէ ի՞նչպէս այս գաղափարը զօրացաւ Օր. Լայընի մոտքին մէջ, — անոր իւրագործման միջոցին յուսոյ և երկիւղի յաջորդութիւնը, պայքարները զորս քաջարի օւրիորդը մղեց, ընդդիմութիւնը և անտարեւութիւնը (որ ընդդիմութենէ յուսեգոյն է) որոց գէմ ստիպուեցաւ, տարիներով, գրեթէ միայնակ, մաքառիլ, և յաղթութիւնը զոր նաշանեցաւ իր յոյժ վաղահաս մահէն առաջ։

1832, Փետր. 4ին Օր. Լայըն իշխութիչէ գրեց հետագան Ամէկրսթցի Բրոֆ. Հիշքոքի. “Գիտնալով որ սիրով կը լսես ամէն խօսք իդական սեռին յատկացեալ մնայուն վարժարանի մը ծրագրին վրայ որ աւելի քան տարիէ մը հետէ մեր բարեկամաց մոքերը զբաղեցրացած է, համորձակութիւն կ’առ նեմ հետևեալը հազորդել ձեզ։ Այս ձեռ նարկին բարեկամները, կարծեմ սկսած են զայն նկատել իդական սեռի բնդհանոր դաստիարակութեան յաջողութեան ու յառաջդիմութեան հետ սերտիւ կապակցեալ նպատակ մը, և ոչ ոսոկ Օր. Կրանիթի և Օր. Լոյընի դպրոցին նպաստող և անոնց օդուակարութիւնը աճեցնող բան մը։ Այս տեղային, անհատական և եսական տեսութիւնները, ըստ իս, պարտին բոլորովին անշատուիլ այս նպատակէն։ Եթէ միայն թոյլատրուէի արտաքին գաւիթը աշխատիլ, և բոլոր կերանքս նուիրել գետինը յարդարելու և պատրաստելու այն նպատակին համար որ սահմանուած է սերունդէ սերունդ յարաժամ ընդարձակ և օրհնեալ աղդեցութիւն ունենալ իդական սեռի դաստիարակութեան և կրօնքի ի նպաստ, փառասիրութեանս կատարը հասած սիրափ ըլլայի։ Գիտե՞ս այսօր աղջկանց մնայուն վարժարան մը։ Կայ Նոր Անդգիւյ մէջ այդպիսի բարձր վարժարան մը որ երաշխաւորեալ ըլլայ թէ իր ներկայ վարժուհիներուն կեանքէն երկար

պիտի տեսէ։ Գոհացուցիչ վիճակ է այս Պէտք չունինք իւրաքանչիւր նահանգի մէջ գոնէ մէկ երկու մնայուն վարժարաններու։ Եթէ քանի մը այսպիսի վարժարաններ ըլլան, որոնք նպաստակ ունենան չափահաս աղջիկներ պատրաստել վարժուհիութեան համար՝ այլ և այլ կերպերով աղդեցութիւն գործելու ի նպաստ դաստիարակութեան ու կրօնի — տեղ մը ուր երկրիս զանազան կողմերէն անոնք որ մատդրած են իրենց կեանքերը նուիրել բարեղ ործութեան, կարենան միստեղ հաւաքուիլ ընդունելու կրթութիւն, կազմելու ու զարդացնելու իրենց ծրագիրները, և իրարու տեսութեանց ու զգացմանց վրայ ընելու ընդարձակ ու հզօր ներդործութիւն — մեծ բարեգյառաջ պիտի չգա՞յ։ Այսպիսի դպրոցներ ոչ ապաքէն կրնան մեծ գեր կատարել վերցընելու մարդասիրութեան այն կեզծ դիմակը զոր կը կրեն բաղմաթիւ մեծ և փոքր դըպրոցներ, որք մեծապէս կազապարած են իդական սեռին նկարագիրը, սակայն չեն ինչ որ պարտին ըլլալ։ Այս խնդիրը վերջապէս հանրութեան ու շաղըութեան պիտի ներկայացուի։ Իբրև դպրոցալայր իփսուիչ շատերուն մտքին մէջ է, մինչ ոմանք կը տարակուսին թէ արգեօք այս լաւագոյն տեղն է։ Զգալով թէ բերբի գետինը անշափելի կարեւորութիւն ունի այս անդրանիկ ձեռնարկին համար, փափաքեցայ որ Քոնէթիքըթ գետին եղերը ա-

ուարկոյ ըլլայ ուշադրութեան։ Մէկ պատճառը թէ ինչու նահանգին քու կողմէ ինչող մասը ընտրելու ենք, առ է թէ կարծեմ հանրութեան վրայ նպաստաւոր ազդեցութիւն ու. յաջողութիւնը աւելիյուսալի պիտի ընէ։ Եթէ յիմարական ու անգործագրելի ծրագիր մը համարիս այս միակ խնդիրս աս է որ այս թերթը բոցերուն յանձնես ու ամբողջը մոռացութեան մէջ թաղես։ Եթէ այս չըլլար մեծ արժանիք ունեցող ծրագիր մը որ պարտի ի հանդէս բերել մեր բարեսիրութիւնը, պիտի չխնդրէի քեզմէ որ յոյժ թանկագին ժամանակէդ վայրիեան մ'իսկ նուիրէիր անոր։ Սակայն եթէ այսչափ արժանաւոր է, սրտիս խորէն կը պազատիմ այսպիսի նպատակի մը ամէն բարեկամէ որ օգնութեան ձեռք կարկառէ։” Օր. Լայրն միշտ կ'ըսէր. “Ինձ աւելի փոքր թերութիւն կը թուի ագարակապետներու և մեքենադորներու՝ հմտութեան սակաւ, մեր հասարակ գպրոյներուն աւանդածին չափ, մթերք ունենալը, քան անոնց կիներուն, անոնց զաւակաց մնյրերուն, անուս մնալը։” Եւ վարժարանաց՝ մնայուն դրամագլուխով ապահովուելի մշտատեսութեան մասին, ըսած է. “Հաստատութեան մը մշտատեսութիւնը անոր յաւերժական կենդանութեան և յարատե յառաջդիմութեան ու օգտակարութեան մէջ է. Առաջինը ձեռք կրնայ բերուիլ ճիշդ նոյն կերպով որով երիտասարդաց համար մեր բարձ-

բագոյն հաստատութեանց յաւ երժական կենդանութիւնը այսչափ լաւ երաշխաւորուած է։ Մնայուն դրամագլուխ մը յանձնուելու է անկախ, անքակտելի խնամակալութեան մը — եկեղեցեաց ծանօթ՝ իբրև հաւատարիմ ու վատահելի անձերու մարմին մը, — ոչ իբրև շահու տրուած դրամ, այլ իբրև յօժարակամ նուէր, անոնց երբեք առիթ չտալով որ պատուաւորապէս հրաժարին խնամակալութենէն, և զանոնք մեծապէս պատախանատու ճանչնալով հարկւրաւոր ու հազարաւոր նուիրատուներու, որ իբրենց թանկագին գումարները յանձնած են անոնց խղճամիտ հաւատարմութեան։ Մեր այսօրուան վարժարանները մշտատեսութեան այսպիսի երաշխաւորութիւն չունին։”

Խնամակալութիւն մը կազմուեցաւ առաջադրեալ հաստատութեան համար։ Շատ խորհուեցաւ Ամէերսոթի վրայ իբրև յարմար վայր վարժարանին, և դնելու վրայ հոնգանուող ակադեմիայի մը շէնքերը։ Սակայն այս բոլորին արդիւնքն եղաւ միայն յուսավաբութիւն, և առժամեայ խնամակալութիւնը լուծուեցաւ։ Ընդհանրութեան մէջ առ հասարակ ծայրագոյն անտարբերութիւն կը տիրէր։ Սակայն ժամանակի հոլովմամբ, ծրագիրը Օր. Լայրնի մոքին մէջ մարմին առաւ և մնայուն կերպով արմատացաւ։ Նա որոշեց կտրել իր յարաբերութիւնը իմսուիչի հետ, և իր բոլոր ու շը և ուժը տալ այս նոր ձեռնարկին։

Եւ 1834ի սկիզբները, մինչ դեռ իմաստիչ կը գտնուէր, պատրաստեց ու զրկեց հետեւեալ շրջաբերական նամակը “իմաստիչի իշխական վարժարանին բարեկամներուն ու պաշտպաններուն,” սակայն իր իրական նպատակն էր այս պարզ հասցէով զայն ուղարկել քրիստոնէական ընդարձակ դաստիարակութեան մը բոլոր բարեկամաց ու ազգել անոնց վրայ։ Շրջաբերականին համառօտութիւնը ի ստորև կը ներկայացնենք։

“Երկար ատենէ հետէ այս հաստատութեան բնութեան ու ազգեցութեան քաջտեղեակ եղողներուն մեծ ցաւ պատճառած է տեսնել որ բազում խոստմալից աղջիկներ պահանջուած դրամին պակասութեան համար կը զրկուին անոր ընծայած պատեհութիւններէն։ Այսպիսի դաստիարակութեան շերմապէս փափաքողներ շատ կան որոց աղքատութիւնը անկարող կ'ընէ զանոնք հոսդալ մինչև անգամ տարուան մը համար։ Կարելի չէ որ անկախ հաստատութիւն մը, նման իմաստիչի վարժարանին, հիմնուի ու պահպանուի քրիստոնեաց հասարակութեան ձեռքով, հետադային նման ծրագրով մը։

“1. Դպրոցին համար ու գիշերօթիկները պատսպարելու համար շէնքեր կառուցուին, կահերով ու ամէն պիտոյքներով որ մատակարարուին կամաւոր նուէրներէ, և ամբողջովին յանձնուին տրամադրութեան խնամակալներու որ բաղկանան լայն տեսութեամբ

ու քրիստոնէական բարեսիրութեամբ օժատուած անձերէ։

“2. Ուսուցիչները առաքելական ողիով հաւատարմաբար և յօժարակամ աշխատին, ընդունելով միայն չափաւոր թոշակ մը բաղդատմամբ անոր զոր պիտի ընդունէին ուրիշ տեղեր։

“3. Կերակուր՝ միայն առողջութեան պահանջածին չափ, սակայն շատ պարզ։

“4. Դպրոց-ընտանիքին առտնին գործերը դպրոցին անդամները կատարեն։

“5. Ուտելիքի ու բնակութեան և ուսման վճարումը ըստ կարի փոքր ըլլայ, դպրոց-ընտանեայ ծախքերը հանելու չափ և ոչ աւելի։

“6. Ամբողջ ծրագիրը ձեռուի մեր մարդասիրական և ողորմածական հաստատութեանց սկզբան վրայ։ Աւելցած եկամուտը ուսուցիչներուն, տնտես վերակացուին կամ ո և է ուրիշ գրապանը չերթայ, այլ ամբողջովին գանձարանը դրուի, և յաջորդ տարւոյ աշակերտուհեաց վճարման գումարը աւելի զեղութու ծառայէ։

“Ասոնցմէ չե՞նք կրնար տեսնել որ հոս և ուրիշ տեղ դպրոցաց այսօրուան ծախքերուն մէկ երրորդը կամ մինչև իսկ կէսը կրնան զեղութիւ։ Այս ծրագրոյն նպատակն է օդնել ահազին թիւ մը կազմող ժրաշան ու սրտոտ անձանց, որ կարող են իրենց աղջիկներուն ի նպաստ բան մը ընել, և որ հիմա

իրենց ըրածէն շատ բան ընել կը փախաքին անոնց համար, եթէ դպրոցի ծախքերը մեծապէս զեղչուին։ Եթէ այս միջին դասակարգին իդական սեռի դաստիարակութեան աստիճանը բարձրացուի, և դաստիարակութիւնը աւելի տարածուի, անոր բարերար արդասիքները պիտի զգացուին ամէն դասակարգի մէջ։

“Մնայուն դրամագլուխ մը դյայնելու դժուարութիւնը անշուշտ ձեռնարկին մեծագոյն խոշնդուոր պիտի ըլլոյ։ Ավակայն այլ և այլ տեղեր ցրուած շատ անձինք կան որ աներկրայ եմ թէ կը հաւատատան որ այսպիսի բան մը կրնայ իրականացուիլ եթէ հարկ եղած միշոյներ ձեռք առնուին հանրութիւնը շահագրգուլու։ Խնդիրը պարտի յուզուիլ շատ լայն ու վեհանձն ոգւով, առանց տեղական շահու նշոյն իսկ ցուցնելու։ Պարտի ներկայացուիլ իրեւ ընդհանրական և հանրօդուտ ձեռնարկ մը, հաւատարապէս արժանի նոր Անդղիոյ ամէն մասանց աջակցութեան։ Առանձնաշնորհութիւններ բնծայուելու չեն այն քաղաքին ուր կը հիմնուի հաստատութիւնը։ Այդ քաղաքէն ընդունուած ամէն աշակերտուհի գիշերօթիկ ըլլալու է, պարտաւոր՝ ամէն օրէնքներն յարգելու, ճիշդ հեռու տեղերէ եկողներուն նման։ Հաստատութեան գիրքը մասնաւոր կարեսորութիւն ունի։ Ամենուն ալ ընդունելի պարտի ըլլալ իրրեւ դըպրոցին ամէն պահանջները դոհացնող թէ՛ աշ-

նոր սկզբնաւորութեան միջոցին և թէ՛ անկէ վերջը։”

Բայց ի այս ընդհանուր շընաբերական նումակէն, Օր. Լայրն կը գրէր ու այցելութիւն կու տար այնողիսի անձանց դորս կարելի կը համարէր շահագրգուել սոյն ձեռնարկին — ոչ այնչափ մեծահարուստներու, այլ ամէն կարգի անձանց, որոց շատերը երկրագործ էին ու միջակ հարստութեան տէր։ ասոնց վրայնա կը ջանար տպաւորել իր հզօր համոզումները, և զանոնիք վառել իր խանդով։

Նամակի մը մէջ սապէս կը նկարագրէ իր տեսութիւնները ի մասին ուսուցչոյ թոշակէն համար առաջարկութեանց։ “Ճշնաբիտ չէ՞ որ, արտասովոր առիթներ, բարեսէր անձանց պարտականութիւնը կրնայ ըլլալ աշխատիլ, առանց ակնկալելու ընդունիլ երենց արդար վարձատրութիւնը, Միթէ բարի նպատակ մը որ դեռ չէ վաստկած հանրային վատահութիւնը, յաճախ չընծայեր այսպիսի առիթներ։ Միթէ այսօրինսակ սախաղական հարկերու միջոցին եկեղեցին միշտ կարող եղած չէ՞ արտագրել այնպիսի անձեր որ պատրաստ են ականչնին դոցել պարտաւորիչ համարուսովներէ բարձրագոյն պաշտօններու հրաւերներուն ու շարունակել այսպէս ընել մինչև վերջը։ Այս էր այն սկզբունքը որուն համեմատ միշտ կը շարժէր Պօղոս առաքեալ։” Կ'արժէ հոս յիշել թէ՛, մինչեւ իր կենաց վախճանը բնաւ չհաւանե-

յաւ տարին երկու հարիւր տոլարէ (իբր 45 0սմ: ոսկի) աւելի ընդունիլ, և պէտք է յաւելունք թէ իրը այս տեսակի ինքնակամ անձնութաշութեան միակ օրինակը չէ, շատ ուրիշներ ալ ցուցած են զայն՝ իրենց անձը գովեճներուն հիմերուն մէկ մասը ընելով:

Կազմուող ծրագիրները քննուեցան ու թղթակցութիւնը որմէ առնուեցան վերո-դրեալ քաղուածները, բոլորն ալ աւելի ու-նեցան Օր. Լայրնի՝ Խիսուիչի մէջ վարած պաշտօնէն հաժարելին առաջ: Ինչպէս որ գիւրին էր տեսնել, այն գործը որ ստանձ-նեց ու հոգւով մարմնով յառաջ տարաւ 1834ի ամառէն սկսեալ, այնպիսի գործ մըն էր որմէ ամեննեին չէր ակնկալեր ոչ շահ, ոչ հանդիսա, չէր հետամտեր պատուոյ, կը փա-փաքէր ձեռք ձգել միայն այն մեծ բերկրու-թիւնը որ մարդկային հոգիներ օրինելին կու-դայ, այն բերկրութիւնը որ բարձրագոյն նը-պատակներու համար անձը ամբողջովին նուի-րելին կը բխի, որ օդտակարութեան դիտակ-ցութենէն կը հոսի: 1834 էն մինչև 1837 երեք տարիները ժամանակներ էին սաստիկ ճիգի, յարատե ու յաճախ սոսկալի պտյաբրներու, որոց առջև ամենէն արիասիրու կրնար ընկ-ճուիլ: Մառնթ չուերի վարժարանը դեռ միայն իր մտքին մէջ գոյութիւն ունէր: Տա-կաւին չէր եղած իրականութիւն մը, որուն միարէր իր սիրաը, որ գրաւէր իր սէրը: Ամ-բողջ ծրագիրը իրական էր միայն իրեն հա-

մար: Այս մեծ գործին համար դրամագլուխն էր իր ունեցած յարմարութիւնները, վասն զի ասոնցմէ էր որ գործը առաւ իր ծնունդը:

Հիմա վառվռուն ու դեղեցիկ կնութեան գարնան մէջ էր: Առողջութիւնը զերաշանց էր: Իր համբերութեան կարողութիւնը եղա-կանապէս մեծ էր: Իր հաւատոքը, արիացը-տութիւնը և խանդը անսահման էին: Սքան-չելի առողջ դատողութեամբ օժտուած էր: Իր իմաստութիւնը և կնոջական ճարտարու-թիւնը անստղիւտ էին: Զգայական տկա-րութիւն երբեք չունէր: Թերես ամբողջ կե-նաց մէջ վիպասանութեան զիրք մ'իսկ կար-դայած չէ: Դպրոցական ամէն պարտակա-նութեան իր գիտակցութիւնը լայն ու ճշգրիտ էր, և միշտ կը գործադրէր զանոնք, ինչ-պէս կը վկայէ իր քսան տարւոյ ծառա-յութիւնը: Իր յաջողութիւնը իրբեւ ուսու-ցիչ հանդածանօթ էր: Իզ անունը դիմիչ ազգեցութիւն ունէր: Անոնք որ զինք կը ճանչնային՝ չէին կրնար հաւատալ անոր ան-վեհեր արիւութեան ու յարատեութեան, և հետեաբար անոր յաջողութեան՝ ամէն բանի մէջ զոր ուղէր ձեռնարկել: Զարմանալի կարողութիւն ունէր այլող մուգերը չափերու, մինչ քիչեր կրնային իր միտքը չափել: Սա-կայն կը վստահէր ուրիշներու, ինչպէս որ կը վստահէր իր անձին, եթէ միայն պատեհու-թիւն ունենար իր ծրագիրները անոնց առջե-պարզելու և լաւ մը լուսաբանելու:

Բաց ասաի, գիտէր ճշդիւ ի՞նչ ընեւ լիքը։ Եինուելիք վարժարանին ամբողջ պատկերը իր մտքին առջև այնչափ յատակ էր որ չափ խօրանը՝ Մովսէսի մտքին առջև, երբ անոր նկարագրուեցաւ Սինա լեռան վրայ։

Ընդունեց վարժարանը հիմնելու գործը ամենայն խոնարհութեամբ, իրեւ Աստուծմէ իրեն յանձնուած աւանդ մը։ Ոչ մի մեծահարուստ գեռ իրեն աջակցութիւն մը ցուցած էր։ Մինչև անդամ կրօնական թերթերը, գրեթէ միշտ կը մերժէին հրատարակել իր անոնց զրկած յօդուածները որովք Օր. Լայքն կը պարզէր առաջադրեալ դպրոցին ծրագիրները ու սկզբունքները։ Յոյժ սակաւաթիւ քարոզիչներ կը շահագըրդուուէին իր ծրագրին, և համրութիւնը առ հասարակ ամեննեին տեղեկութիւն չունէր այն ծրագիրներուն որ այսօր արտադրած են պտուղներ որոց վրայ բովանդակ քրիստոնեայ աշխարհ մեծ սքանչացմամբ կը նայի։ Այն հարիւբաւորներուն, որ արդէն իսկ վայելած էին իր աւանդած գաստիարակութիւնը, խորապէս կը համակրէր, և յուսալից աչքերով կը նայէր անոնց վրայ։ Այն գերագոյն արշէքը զոր կու տար մտքի, խելքի, նկարադրի, բարութեան, օգտակարութեան, հանգերձ գործածուելով հինոյն բաներու հանգէպ կատարեալ անտարբերութեամբ, իր դրամագիսին կարեւոր մէկ մասը կը կազմէր։ Հասկցած էր անհուն արժեքն այն ստաց-

ուածոց զորս հոդին կրնայ հետ տանիլ երբ մահուան գետէն անցնի։ Երբեք չէր վափաքեր մեծ մարդոց մեծարանաց արժանանալ ու անոնց առջև շնորհք զտնել։ Հարստութեան փառքը և ազնուականութեան շուղիւնը ունայնութիւն ու ոչինչէն պակաս էին իրեն համար։ Բանի աեզ չէր դներ բարձր աստիճան կամ աղնուական ծնունդ։ Միշտ կը կրէր քաղցրաբարոյ, հնաղանդ, խոնարհ, սիրող հոգւոյ մը զարդը։

Իր գործին համար Օր. Լայքնի բարձրագոյն յարմարութիւնն էր իր մեծ աստուածագաշտութիւնը, և այն աղդուութիւնը ու ճարտարութիւնը որով իր աշակերտաց կը ներկայացնէր աւետարանին ճշմարտութիւնները, նաև իրեն անոր ներգործութեան միշտ կենդանի ու փայլուն օրինակ մը հանդիսանալը։ Աստուածային ճշմարտութիւնները իրեն համար էին պարզ ու դբական։ Իր երեւակայութիւնը բեզուն ու զօրաւոր էր և շարունակ աւելի գիւրաթէք գործէք մը կը դառնար իր դաստատուութեանց մէջ։ Իր հոգեկան իմացումը, այսինքն հաւատոյ ներքին տեսութիւնը, յստակ ու կենդանի էր։ Իրեւ ուսուցիչ Սուրբ Գրոց ու հոգեկան ճշմարտութեանց, միշտ ոչ թէ իր համոզմանց այլ ուսուցուելիք ճշմարտութեան առաջնութիւն կու տար։ Աստուծոյ պատուէլները իրեն նոյն չափ իրական էին որչափ հօր մը պատուէլները իր հնաղանդ զաւկին։ Այս ամենուն հետ

ունէր նաև իր անձին վրայ անվատահութիւն, իր քրիստոնէական ձիքքերը աննշան համարելու ներքին ձգառում մը։ Այս տարապայման համեստութիւնը ի յոյտ եկած է իր մէկ դիտողութեան մէջ որ յաճախ կը կրկնուի, և որ իր ոգին շատ լաւ արտաշայտելուն համար տապանաքարին վրայ դրսուեցաւ, այսինքն, “Ճիեզերքին մէջ չկայ բան մը որմէ այնքան վախնամ քան զայս որ իմ ամբողջ պարտականութիւնն չնանշնամ կամ թերանամ զայն կատարել”՝ Անոնք որ, իբրև իր աշակերտուհիներ, կը ճանշային Օր. Լայրնը՝ երբեք տարօրինակ բան մը չեն կրնար համարիլ որ նա սովորաբար, մանաւանդ կրօնական արթնութեանց ժամանակ, կրօնական նկւթերու կը հակեցընէր իր աշակերտներուն մոքերը, ինչպէս Ռակեբերան կամ Օգոստինոս կամ Բեռնարդոս Քէռլոյին իրենց քարոզութիւններուն ժամանակ ունկնդիրները կը շաբթէին և կը թեքէին և կը համոզէին և կը ձուլէին իրենց խօսքերուն պերճախօսութեամբ ու իրենց բարեպաշտ կենաց աւելի մեծ պերճախօսութեամբ։

Այսպիսի էր այն անձը որ հիմա կը ստանձնէ հիմարեկել ի նոր Անդղիս աղջկանց առաջին դորէճը։

Երբ ետ նայինք անցեալին այդ հեռապատկերին՝ պիտի տեսնենք զինք որ կը կենաց հոն առանց ապաւէնի, անյողդողդ աչօք

կը նայի առաջ և վեր աղջամուղջին մէջէն դէպի ի այն արշալոյսը որ գեռ պիտի ծագէր։ Իփսուիչէ մեկնելէն առաջ Օր. Լայրն գընաց քանի մը մարդոց զորս շահագրգռած էր իր ծրագրին, և անոնք կազմեցին յանձնախումբ մը առաջադրեալ ձեռնարկը սկսելու ։ Սակայն և այնպէս, ծամարիտ սկզբնաւորութիւնը եղաւ Օր. Լայրնի ձեռքով, այս տեսակցութենէն անմիջապէս ետքը ։ Երբ իր անձնական ջանքերով, իփսուիչ քաղաքին մէջ կամ մօտերը բնակող տիկիններուն մէջ, առաջարկեալ մնայուն դրամագլուխուն համար 1,000 տոլար (իբր 227 ոսկի) հանդանակեց Այդ գումարը հաւաքելու գործին մէջ նետուեցաւ հոգւով մարմնով, այնպէս որ թէել յաջողութեամբ պսակուեցաւ սակայն իր Փիզիքական կազմը զրեթէ տեղի տուաւ Անոնց որ գիտեն թէ բաղդատաբար ո՛րչափ գիւրաւ այսօր գոլէճի նախագահներ այսօրինակ հաստատութեանց համար հարուստներէ կ'ընդունին 10,000 կամ 50,000 տոլարի նուիրատութիւններ կամ կտակներ, թերեւս անհաւատալի թուի թէ այսքան գըժուար եղաւ Օր. Լայրնի համար այդ հաղար տոլարը հաւաքել ։ Սակայն նկատէ, նախ՝ թէ զոլէճի համար դրամական նպաստ տալ նոյնքան հազուադէպի էր այդ ժամանակ որքան հիմա է հասարակ ։ Երկրորդ՝ թէ շատեր այս կարգի հաստատութեանց համար մնայուն դրամագլուխ ժողվել անհարկի կը սեպէին։

Երրորդ՝ թէ 1,000 տոլարը փոքր քաղաքաց մէջ անմիջական կարեւորութենէ զուրկ համարուած նպատակի մը համար, յոյժ մեծ գումար մըն էր այդ ժամանակի մարդոց տեսութեամբ. և չորրորդ՝ թէ աղջկանց դաստիարակութեան հաստատուն վարժարան մը հիմնելու համար մնայուն դրամագլուխ մը հաւաքել հարիւրին 99 անձանց համար բացարձակ ցնորք մըն էր: Ուստի Օր. Լայընի քանի մը շաբաթներու մէջ 1,000 տոլար հաւաքելը այնչափ հրաշալի մեծագործութիւն մըն էր որչափ տասնըեօթը տարի առաջ Լատիներէն բերականութիւնը էրեւ օրուան մէջ սորվիլը: Սակայն մեծ էր այդ 1,000 տոլարին նշանակութիւնը: Կը նշանակէր Օր. Լայընի լիովին և վերջնական անձնանուիրումը այդ ձեռնարկին: Ապադային համար յաջողութեան երաշխաւորութիւն մըն էր: Ի՞նչ խոչ որ յետոյ այս ձեռնարկին դէմ ելլէր, միշտ կրնար ըստիլ, “Մէյմը սկսած ենք, պէտք է լմնցնենք”: Ու շադրաւ է որ այս 1,000 տոլարը տուին տիկիններ: Ձեռնարկը կանանց համար էր, և շատ վայելուչ էր որ առաջին նուիրատուութիւնները, եռանդի և անձնուրացութեան առաջին արտայայտութիւնները անոնց կողմէ ըլլար: Օր. Լայըն այդ գումարը չէնքին անկեան քարը կը կոչէր: 1835 յունուարի սկիզբները, յանձնախումբը իրու այս նոր հաստատութեան վայր ընտրեց Սառթհ չէտի: Գեղեցիկ տեղ մըն է այս,

ո՛չ քաղաք ո՛չ ալ մինչև իսկ գիւղ կար հօն յայնժամ: Մասաչուսէցնահանգին արևմտեան կողմը գտնուող Քոնէթիքըթ գետին վրայ կամ անկէ մղոն մը հեռի կ'իյնայ և Նոր Անգղիոյ ամէն կողմէ դիւրամաշելի է: Իր տեսարանը հրապուրիչ է, օդը սքանչելի: Այդ ձմրան Օր. Լայըն կը բնակէր Ամէէրոթի մէջ Տր. և Տիկին Հիշքոքի տունը: Այս զինը հաղորդակցութեան մէջ դրաւ այլ և այլ տեղեր բնակող քանի մը մարդոց հետ, որ իր բոլոր կենաց մէջ իրեն ու իր գործին բարեկամներն եղան: Շատ կ'անձկար նոյն իսկ այդ տարին սկսիլ չէնքի մը շնութեան: Սակայն այլոց նուելները ու եռանդը զուգընթայ չէին իր խանդին հետ, և շատ խոչնոտներու հանդիպեցաւ, շատ տաղտկալի ու տագնապալի օրեր անցուց մինչև որ շահեցաւ այն բարեկամութիւնը որ կ'արտայայտուի հնչուն դրամի գումարով, որ կարելի ըրաւ հիմնարկութիւնը սկսելու և անկեան քարը գնելու: Քանի մը անուններ կան, զոր օրինակ Ավրը, Սէֆֆէրտ, Փորթըր, Հիշքոք, Հոքս և այն որ այնչափ սերտիւ զուգորդուած են Օր. Լայընի անուան հետ, վարժարանին գումար մը գոյացնելու և անոր առաջին չէնքը կառուցանելու համար իր թափած ճիղերուն հետ, որ եթէ ժամանակը, ցեղը ու հեռաւորութիւնը չանջատէր այս անձնաւորութիւնները համառօտ պատմութեանս ընթերցողներէն, որախութեամբ

մանրամասն կերպով պիտի պատմէինք թէ վարժարանը ո՞չչափ պարտական է այս անձանց ու անոնց կանանց, թէ այդ առաջին տարիներուն միջոցին և իր բոլոր կենաց մէջ ի՞նչպէս իրենց ձեռքը եղած ամէն միջոցներով մղում տուին ու եռանդ ներշնչեցին Օր. Լայրնի: Պարտինք փութալ ու հասնիլ 1837 բազմագէպ տարւոյն: —

1836 Հոկտեմբեր 3ին էր որ առաջին շէնքին անկեան քարը դրուեցաւ: Օր. Լայրն նոյն ամսուն 7ին հետագան կը դրէր. “Քարերը ու աղիւսները և շաղախը խօսքեր կը խօսին սրտիս: Վերջապէս՝ աչքովս տեսայ այն ժամանակը երբ խումբ մը անձինք ձեռնարկեցին անկեան քարը դնել շէնքի մը որուն վրայ 15,000 տոլարի (իբր 3,400 ոսկի) չափ պիտի ծախսուի, և պիտի ըլլայ իդական սեռի բարձրագոյն դաստիարակութեան դրալոց մը: Գործը կանգ պիտի չառնէ այս հաւտատութեան կառուցմանը ջեռնարկը թերեւս տարիներ ստիպուի ոգորիլ խոչերու գէմ, սակայն աղդեցութիւնը գդալի պիտի ըլլայ:”

Օր. Լայրնի յաջորդ տարուան մասնաւոր գործն էր պատրաստել ամբողջ շէնքին մանրամասն ծրագիրը — ըստ որում պիտի ունենար 166 ոտք երկայնութիւն, 30 ոտք լայնութիւն, գետնայարկէն զատ չորս յարկ, նաև երկու մեծ թեւեր և 300 աշակերտուիի համար տեղ. նաև հիւրանոցներուն, սերտարանին, ճաշարանին, դաստիարակուն

և 80 աշակերտուհեաց սենեակներուն համար կահ կարասիք պիտի հայթայթուէր 1837 տարւոյ աշնան մէջ դպրոցին բացմանէն առաջ. կը կարծուէր թէ մինչև այդ ժամանակ միայն 80 աշակերտուհիի պիտոյքը կընային ձեռք բերել: Հաշուուեցաւ որ փոքրագոյն դումարը որ բաւ պիտի ըլլար կահ կարասիքը հայթայթելու մինչև իսկ այդչափ աշակերտուհեաց սենեակներու, յետին ծայրինայողութեամբ 3,000 տոլարէ (իբր 700 ոսկի): աւելի պիտի ըլլար. այս պիտոյքը հայթայթելու համար Օր. Լայրն հարիւրաւոր քաղաքներէ ու հաղարաւոր անձերէ կը հաւաքէր ստակ կամ կահ կարասիք կամ ձեռքով շնուռած վերմակներ, ևն: Բացայայտ էր որ ամբողջ ամառը պարտ էր յատկացուիլ այս գործին որուն մանրամասնութիւնները չենք կընար տալ: 1837 Նոյեմբեր 8ը որոշուեցաւ բացման օր, և հոս կ'ուղենք նկարել պատկեր մը անոր բացման, և ուրիշ պատկեր մը այդ յիշատակելի առաջին տարուան վերջին օրուան:

Սեպտեմբեր 14ին, Օր. Լայրն Օր. Կրանթի գրեր էր, “Երբ ետ կը նայիմ Նոյեմբեր 8ին, ինձ կը թուի թէ կը նայիմ հարիւրաւոր ոտք խոր գահավէմէ մը վար, ուր պարտիմ իշնել. միակ բանը որ կրնամ ընել է զգուշնալ յատակը նայելէ ու աչքս յառել մերձաւորագոյն քարին վրայ, մինչև որ ապա հովութեամբ անոր հասնիմ:”

Նոյեմբեր 8ին աւելի քան ութսուն աշա-

կերտուհի ունէր վարժարանը, մինչ աւելի քան կրկին թուով ուրիշներ մերժուեցան տեղի չդդութեան համար։ Շէնքը գեռ չէր աւարտած, դրսի դռները չունէին աստիճաններ։ Վայտաշէն տունը գեռ չէր ծածկուած։ Կահ կարասեաց ժամանումը ուշացած էր փոթորիկներու պատճառաւաւ։ Վառարանները չէին դրուած։ անկողիններուն սպասները զորս զանազան քաղաքաց տիկիններ խոստացած էին մատակարարել՝ գրեթէ բոլորն ալ դրկուած չէին գեռ։ Ընդունուած աշակերտները չէին գեռահաս ու անփորձ, մեծ մասամբ քսան տարեկանէն վեր էին։ Անոնց մէջ կային աղջիկներ որ իփսուիչի դպրոցէն եկած էին կամ ուրիշ դպրոցներու մէջ իրենց ընթացքը կիսակատար թողուցած էին այս նոր հաստատութեան բացմանը սպասելու։ Մոնարն քաղաքէն Մըր. Փորթըր և Պոսմըրն քաղաքէն Մըր. և Տիկին Սափփորտ կ'աշխատէին վարժարանին համար՝ և անոր բացումէն ետքը օրերով ինչպէս անկէ առաջ չաբաժներով, գնահատելի ծառայութիւն կ'ընէին թէ՛ իրենց ձեռքով թէ՛ վերակացութեամբ և թէ՛ նորիրատուութեամբ։

Օր. Լայրն կ'ընդունէր ամէն նորեկ աշակերտուհի նոյն խանդաղատանիքով որով մայր մը կ'ընդունի իր աղջիկը։ Ձեռաց սեղմումը, դէմքին ժպիտը ու ողագուրման սիրալիր խօսքերը ամէն սիրտ կը ցնծացնէին, և ամէն նորեկ կ'աւելցնէր թիւն անոնց որ կ'աշխատէին ամէն բան կարդի կանոնի վե-

րածել։ Ոչ մի աղջիկ ժամանակ ունէր իր կիսովին յարդարուած սենեակը կենալ և ողբալ կամ արտնչալ։ Ամէն մէկուն համար առանցնաշնորհութիւն մը ըրած էր Օր. Լայրն գալ ու օգնել իրեն՝ տանելու ահագին բեռը որ իր ուսերուն վրայ կը ծանրանար։ Թերևս Օր. Լայրնի աշակերտուհիներէն ոչ ոք այն չափ ջերմագին կը սիրէին զինք կամ աւելի խորին յարդանք կը տածէին անոր քան այդ առաջին տարուան աշակերտուհիները, որ ականատես էին այն բեռին զոր նա կը կրէր, այն գործին զոր նա կ'ընէր և այն յաջողութեան որով նա պսակուեցաւ այդ տարին չլրացած։

Առանին կարգադրութիւնները եղական էին երկու նկատմամբ, նախ՝ ամէն աշակերտուհի պարտաւոր էր բնակիլ և ճաշել վարժարանին մէջ։ Յերեկօթիկ աշակերտուհի, մինչև իսկ մօտաւորագոյն տունէն, երբեք չէին ընդունուեր։ Այս կանոնը որդեգրեցին՝ դուրսէն ամէն յոովի աղդեցութեան մուտքն արգիլելու, յարաժամ ամէն մէկ աշակերտուհի առանց բայցութեան, ուսուցիչներուն աշքին առջև ունենալու և ամէնքը, վարժուհի թէ աշակերտուհի, միայնելով մէկ ընտանիք կազմելու համար։ Երկրորդ՝ հաստատութեան բոլոր գործը կը կատարուէր անոր մէջ ընակողներուն, վարժուհիներուն ու աշակերտուհիներուն, ձեռքով։ չկար վարձեալ ծառայ։ Պահանջեալ աշխատութեան չափն

Եր իւրաքանչիւր աշակերտուհիի համար օրը դրեթէ մէկ ժամ։ Այս երբեք արդելք չէր կրնար ըլլալ ուսման, ծախքերը մեծապէս կը կը զեղչէր, հասաւատութիւնը կ'ազատէր ծառաններէ կախումէ, աշակերտուհեաց կը սորվեցնէր առտնին տնտեսութիւն, ամէնքը աւելի կատարեալ կերպով մէկ ընտանիք կ'ընէր և մեծապէս օգտակար կ'ըլլար անոնց որոց քանի մը տարիէն պիտի յանձնուէր նոր ընտանիքներու հողը, և մանաւանդ անոնց որ տարիներ ետքը պիտի երթային իրենց երկրին կամ օտար երկրաց հեռաւոր կողմերը միսիոնար-վարժուհի ըլլալու։

Օր. Լայըն սովոր էր ըսել, “Ծնտանեկան աշխատութիւնը մաղի դեր կը կատարէ. դպրոցէն արտաքսելով ծոյլերը, դժուարահաճները, տկարները, որոնք երբեք բանի չեն դար, կը թողու աղնուագոյն ցորենը, վառվառները, բարեսէրները, և զանոնք որոց մատաղ հասակին մէջ ընդունած կրթութիւնը օգտակար եղած է իրենց։” Դպրոցին այս առանձնայատկութիւնը, որոն էական մասերը դեռ գոյութիւն ունին, Օր. Լայընի մտքին բերմունքն է։ Շատեր առարկեցին անոր դէմ, աւելի շատեր տարակուսեցան անոր յաջողելուն, սակայն իր կամքը յաղթող ելաւ, ինչպէս յաղթող ելաւ նաև վարժուհիները ինք ընտրելու իր փափաքին մէջ, որոնք կ'ընտրէր իր լաւագոյն աշակերտներէն։ Սակայն իր ծրագիրը 1837 Նոյեմբեր 8ին

ամենէն խիստ փորձին ենթարկուեցաւ ։ Կային 85 հոդի որ պարտէին կերակրութիւն՝ կերակուրները իրենց ձեռքով եփելով, և կարմեծ շէնք մը, որուն ամէն մասին խնամ պիտի սանէին նոյն ձեռքերը, և նոյն ատենդասերը որոց համար այդ անձինք հոն եկած էին, երբեք վնաս կրելու չէին։ Այս բոլորը ըներու էին ձմեռնամուտին և դեռ չկահաւորեալ սենեակներու մէջ։ Եւ ամենէն աւելի, նա որ յղացած էր այս ծրագիրը՝ որ իրեն համար մահու և կենաց խնդիր էր՝ բաւական փորձառութիւն չունէր խոհանոցի և ուրիշ առտնին գործերու մէջ։ Սակայն հիմա յայտնի ու նուիրական պարտականութիւն զգաց իր այս ծրագիրը յաջողնել։ Անպատճառ յաջողներու էր։ Խոհանոցին մէջ կ'աշխատէր քանի ժամ որ պէտք էր. չկար գործ մը որմէ խորշէր։ Եւ զայս կ'ընէր ճիշդ նոյն անձնանուիրութեամբ իրեւ Աստուծոյ ծառայութիւն զոր կը ցուցնէր իր Աստուծածաշունչի դասերուն մէջ, կամ կատարելագործելու ու գործադրելու մէջ ամէն հանրույին դպրոցներու համար այն կարգաւորեալ ծրագիրը որուն ձեռոնարկած էր։ Օրը ոչ նուազ քան 16 ժամ, յաճախ 18, կը նուիրէր այդ առաջին տարին դպրոցական գործերու, սերտարանին մէջ, խոհանոցին մէջ, լուացարանին մէջ և ամէն ուրեք։ Գործին վրայ տեղեկութիւն ունեցողներուն զարմանք պիտի չազդէ դիանալոր, այդ առաջին օրերուն, հացը երբեմն

թթու կ'ըլլար, երբեմն հում կ'ըլլար, երբեմն կ'այրէր։ “Ոյս չըլլար,” կ'ըսէր, “ազնիւ այլուր ունինք ու անշուշտ լաւ հաց ունենալու ենք, և պիտի ունենանք։” իրեն օդնութեան կանչեց իր ամենէն ձեռնհաս ու վստահելի աշակերտուհիներէն ոմանք, և շաբաթներ հացագործապետի դեր կատարեց, մինչև որ միւմները կարող եղան իրենք հաց եփել անթերի։ Ոյդ ցուրտ ձմրան առաւօտները կ'ելլէր լուսնալէն շատ առաջ, հսկելու հացագործութեան վրայ, զոր այնչափ խղճմը տութեամբ կ'ընէր իբրև Աստուծոյ փառքին համար բան մը՝ որչափ աղօթքը։ Հատոյթովը ծախքերը գոցելու հոգն ալ ինկած էր Օր. Լայրնի։ Պնդած էր, մինչև իսկ խնամակալներուն խրատին հակառակ, տարին 64 տուլար (իբր 13 ոսկի) սահմանել կերակրոյ ու բնակութեան և ուսման համար իւրաքանչիւր աշակերտուհիի վճարմունքը, որ իփսուիչի դպրոցին այդ ատենուան վճարմունքին կէսէնքիւ աւելի էր։ Ոյդ տարի նախրնիւաց տարուընէ բարձր էին ուտեսատի գիները։ Ոչ մի ելևտագէտ երբեք աւելի խնամով կարդադրած ու խնայութեամբ ծախսած է իր ստակը քան Օր. Լայրն։ Հոգ կը տանէր որ ոչինչ մըսնուէր, և կարելի եղածին չափ օգուտ քաղուէր ամէն բանէ։ և յաջողեցաւ։ կրնանք երեակայել այն գոհունակութիւնը զոր զգաց տարւոյն վախճանին, երբ հաշիւները իննամակալներուն ներկայացնելով, ցուցուց թէ ոչ

միայն հասոյթը բաւած էր ծախքերուն, այլ նաև յաւելում մը կար որով կրնային վճարել շէնքին կառուցման ժամանակէն մնացած պարագը։

Հիմա դառնանք պատկերին այդ առաջին տարուան երկրորդ դէպքին — առաջին տարեցրջանին փակման հանդէսին որ տեղի ունեցաւ Օգոստոսի վերջերը։ Երկուշարժի ու երեքշարժի քննութեանց սահմանուած էին, չորեքշարժի պատրաստութիւններ եղան տարեղարձի օրուան, ի մէջ այլոց քառասունի չափ հիւրերու ճաշի։ Բոլոր գործերը կը կատարուէին վարժուհիներուն ու աշակերտուհիներուն ձեռքով։

Հինգշարժի առաւօտը ծագեցաւ պայծառու գեղեցիկ։ Օր. Լայրն, կնոջական համեստութեամբ դժկամակեցաւ իր աղջիկներուն խումբը առաջնորդել եկեղեցին, և պնդեց թէ եթէ վայելչութեան հակառակ չգար, վարժարանին սրահին մէջ տրուի ուղերձը ու բաշխուին վկայականները։ Սակայն սա իրուղութիւնը թէ այդ սրահը դպրոցին բարեկամաց կէմն իսկ՝ աշակերտաներով միատեղ չէր կարող առնել, հարկադրեց զինք այդ խնդիրը խնամակալներուն յանձնել։ Առաջնորդական եկեղեցին երթալ յարմար դատեցին։ Ուսուց առաջնորդութեամբ, օրուան ատենաբանն Հարթֆորթցի Տր. Հառլու, վարժուհիները, երիցագոյն կարգը և ամբողջ դպրոցը թափորով եկեղեցի դադին։ Օր. Լայրն մեծ շըքով աղջիկները իրենց նստարանները առաջ

Նորդեց : Բայց ի թափորին յատկացեալներէն՝  
ամէն նստարան գրաւուած էր : Այս օրը Օր.  
Լայրնի կենաց մէջ անմոռանալի թուական  
մըն էր : Հոն ճշմարիտ յաղթական մը կը  
հանդիսանար նա: Հանրային կարծիքը մեծաւ  
մասսամբ իրեն կողմը դարձած էր : Օր. Լայրն  
դիտէր թէ իր մեծ ծրագիրը ոչ ևս էր ան-  
սոսյգ փորձ մը : Այդ յոյժ բազմազբաղ տա-  
րին, վայրկեան մը ժամանակ գտած չէր դա-  
դար առնելու և դիտելու իր ըրածին արդիւն-  
քը : Հիմա դիտեց զայն : Հիացում, երախ-  
տագիտութիւն ու գովեստ իր վրայ կը թափ-  
ուէին, ու իր սիրութ լցած էր խորին բերկ-  
րութեամբ :

Ամէն բան իր ուղածին պէս եղաւ : Տր.  
Հառւըսի ուղերձը պանչելի էր : Իր հովիւը ու  
բարեկ սուը Պատ. Մր. Քոնտիթ յոյժ վայե-  
լու եղանակաւ բաշխեց վկայականները երեք  
շրջանաւարտ աղջկանց : Օր. Լայրնի անունը  
արձանագրուած էր վկայականներուն վրայ:  
Երեք շրջանաւարտներն ալ անմիջապէս Օր.  
Լայրնի օդնական վարժուհի եղան : Օր. Լայրն  
զգաց թէ իրօք Աստուծոյ օրհնութիւնը հանգ-  
չած էր իր վարժարան-տան վրայ : Հաւանօ-  
բէն մինչև իսկ եթէ դիտնար յայնժամ թէ  
միայն տասնուկէս տարուան կեանք պահուած  
էր իրեն, դարձեալ պիտի ցնծար :

Մէյմ'ալ չստիպուեցաւ իր ուժէն այնչափ  
մեծ մաս մը առաջ դպրոցի առտնին գործե-  
ալու որչափ ըրած էր առաջին տարին, և կա-

րող եղաւ անոր մեծագոյն մասը նուիրել  
գաստիարակութեան գործին : Միշտ կ'ընէք  
գոնէ երկու անձանց գործ, հետևապէս իր  
կեանքը անոր համեմատ կարճատեւ եղաւ :  
Թէպէտ այս համառօտ պատմութիւնը մե-  
զի թոյլ չտար մանրամասնաբար խօսիլ Օր.  
Լայրնի օգնական ուսուցիչներուն վրայով,  
սակայն երբեք մոռցուելու չէ թէ անոնց-  
մէ միշտ կ'ընդունէր յոյժ փութկոտ, աղ-  
դու և սիրայօժար օգնութիւն : Այս բնա-  
կան է : Նա իր ձեռամբ դաստիարակեր էր,  
ընտրեր էր և տոգորեր էր զանոնք իր կորո-  
վով ու անձնուիրութեամբ : Իր մոքին ու  
սրտին պտուղն էին անոնք, և անոնց ու ա-  
նոնց գործին մէջ, իր կենաց միջոցին ու իր  
մահէն ետքը, կը տեսնուէր Օր. Լայրնը  
բազմապատկուած :

Երկրորդ տարւոյն սկիզբէն՝ Օր. Լայրն  
պարապեցաւ ըստ մեծի մասին այն գործով  
որ միշտ կը նկատէր ամենակարեռը, այսինքն  
իր աշակերտուհիները կըթել ու դաստիա-  
րակել երկինք տանող ճամբուն մէջ : Յոյժ-  
բազմաթիւ աղջիկներուն, որ յետոյ շատ եր-  
կիրներու մէջ վարժուհի կամ պաշտօնեանե-  
րու ու միսիոնարներու կին եղան, բոլոր խոր-  
հուրդները ու կենաց նպատակները ձեռւեցան  
իր աւանդած դասերով ու իր վարքով . և այդ-  
ժամանակէն ի վեր անոնք ամէն ուրեք իրենց  
կեանքերովվ կը յաւերժացնէին իր կեանքը :  
Վարժարանին օրէնքները բազմաթիւ ու ման-

բամանն էին, սակայն Օր. Լայրն երբեք չդրաւ օրէնք մը վոր նախ ինք չպահէր։ Առանձնանալու համար յատկացեալ էս ժամը որ սահմանուեցաւ աղօթքի ժամանակ ըլլալու, սակայն չէր պահանջուեր անպատճառ որ այդպէս անցուի՝ միշտ աղօթքի կը յատկացնէին Օր. Լայրն և իր աշակերտուհիներուն մեծ մասը: Բնական հետեւանքն այսպիսի հակամիտութեանց, բարեպաշտութեան ու աղօթելու ջերմ փափաքի, որ ունէին գպրոցին պետք ու իր ընկերուհիները, կը տեսնուէր, առանց բացառութեան տարուէ տարի պատահող արթնութեանց և հոգեկան կազդուրումներու մէջ, որովք աշակերտաց քրիստոնէական կեանքը վառ կը պահուէր, և որովք անոնք որ հոն կու դային, արդէն ընդունած քրիստոսի ու քրիստոնէական կենաց վերաբերեալ իրողութիւնները բայց սակայն իրենց սիրտերը դեռ չունուած անոր ծառայութեան՝ շատ քիչ բացառութեամբ, դպրոցէ մեկնելէ շատ առաջ կ'ըլլային իրենց սերունդին մէջ թիսուսի եռանդուն ու անկեղծ ծառաններ, իրենց տուններուն մէջ քրիստոնէական լյսեր և աշխարհի մէջ Աստուծոյ մշակներ։

Չենք կրնար մի առ մի պատմել մնայեալ տաննուկէս տարուան մէջ Օր. Լայրնի վարած կեանքին վրայով։ Տարապայման գործունէութեան, անարատ վարուց, հազարաւոր աղջիկներ բարձրագոյն և լաւագոյն կենաց առաջնորդելու, մասին մեծ յաջողութեան տարիներ

էին։ Վախճանը եկաւ վերջապէս, յանկարծաբար, բայց թերեւս ներհուն բժիշկի մը համար ոչ յանակնկալս։ 1849, ֆետրուարի վերջերն էր երբ դպրոցին աշակերտուհիներէն մին յանկարծ մեռաւ սաստիկ օձացաւէ։ Օր. Լայրն առողջ չէր այդ ժամանակ ու իր կարողաւթենէն աւելի կ'աշխատէր։ Երբ բըռնուեցաւ նոյն հիւանդութենէն իր մարմինը չոնչը անոր դիմադրելու համար պահանջուած առողջութիւնը, և ուստի արագ արագ տկարացաւ, ու մեռաւ 1849, Մարտ Ծին։ Թաղուեցաւ Մարտ 8ին, վարժարանին հողին վրայ. սակայն, ինչպէս որ մեր յաջորդ գլուխը լիուլի պիտի ցուցնէ, կ'ապրի, այս աշխարհին մէջ իսկ, յաւերժական կեանքով։

Իր կրօնական կրթութեան քանի մը նմոյշները յիշատակելով պիտի վերջացնենք իր կենաց այս տարիներուն վրայով մեր համառու պատմութիւնը։

Իր ասացուածներէն խիստ մեծ թիւ մը իր աշակերտուհիներուն յիշողութեան մէջ մնացած է, և Օր. Ֆիւքի պատրաստած “Յիշատակներ” անունով մէկ զերբը կը պարունակէ բազմաթիւ ուրուագծեր Օր. Լայրնի իր աշակերտաց ուղղած ուղերձներուն։ Ասոնց միայն երկու երեքը կը ներկայացնենք։

#### Ա.ՑՍ Ա.ՇԽԱՐՀ ԴՊՐՈՑ ՄԸՆ Է

“Այս աշխարհն է երկինքի համար դաստիարակուելու վայր մը, և երբ ասկէ տար-

բեր ընենք՝ իր նպատակէն շեղեցուցած կ'ըլ-  
լանք զայն։ Վասն որոյ, Աստուած այնպէս  
կարգադրած է իր նախախնամական արարք-  
ները, այնպէս գծած է իր կառավարութեան  
ծրագիրները, որ մեզմէ կը պահանջուի ան-  
ընդհատ աշալլըութիւն, փութաջանութիւն  
և ճիգ։ Հանգստութիւն վնառութու չենք.  
Երբ գործ մը կատարելու կարողութիւն  
կ'ունենանք, ակնկալելու ենք որ աւելի  
դժուար գործ մը պիտի յանձնուի մեզի։ Աշ-  
խարհ մեր հանդստարանը չէ։”

### ԵՐՋԱԿԱՌՈՒԹԻՒՆ

“Երջանկութիւնը չափելու ենք ոչ թէ մեր  
ներկայ վայելքներով, այլ մեր գործերուն  
արդիւնքներով։ Ուրախութեան մը յիշատակը  
երբեմն ամենադառն ցաւ կը պատճառէ։ Բա-  
րի նպատակի մը համար անխօնջ տքնումի,  
արդարութեան համար երկայնամիտ նեղու-  
թեան, թիսումի համար յօժարակամ անձ-  
նուրացութեան յիշատակները երջանիկ կ'ը-  
նեն մեղ։ Բան մը իրապէս հաճելի ըլլալու  
համար որչափ անդամ որ յիշենք զայն, այն-  
չափ աւելի քաղցր գալու է, ոչ միայն քիչ  
մը ժամանակ, այլ ամբողջ յաւիտենականու-  
թեան մէջ։”

### «ՔՈՒ ԿԱՄՔԴ ԸԼԼԱՅ»

Ծնողները իրենց դաւակին զօրաւոր կամք  
ունենալը յաճախ մեծ չարիք կը համարին։

Անշուշտ աղէտ է աննուաճելի կամք ու-  
նենալ, սակայն օրհնութիւն է Աստուածոյ կա-  
մաց յանձնուած զօրաւոր փափաքներ ունե-  
նալ։ Կամքը ծնողքին կամ ուսուցչին կամաց  
յանձնելը յաճախ Քրիստոսի կ'առաջնորդէ  
զմեզ։ Փառք տուր Աստուածոյ եթէ սորված ես  
քու կամքդ ծնողայդ կամաց հպատակեցնել։  
Դեռ քիչ պատեհութիւն ունեցած ես հպա-  
տակութիւն ցուցնելու, սակայն վերոյիշեալ  
խօսքերը սրտիդ վրայ գրէ և ի գործ դիր  
զանոնք այսուհետեւ կեանքիդ մէջ։ Յաճախ  
պիտի հրաւիրուիս կամքդ հպատակեցնել երբ  
ամենէն քիչ կ'ակնկալես, և թերեւս անոնց  
որոց չես ուզեր հպատակեցնել զայն։ Բազ-  
դատարար դիւրին է յօժարութեամբ հպա-  
տակիլ Աստուածոյ կամաց՝ մեծ դէպքերու առ-  
թիւ յորս իր մատը յայտնապէս կը տեսնենք,  
սակայն երբ իր կամքը մեզի կը յայտնուի  
մարդոց միջոցաւ, անհնազանդ կը գտնենք  
մեզ։ Այս պէտք չէ որ այսպէս ըլլայ։ Աս-  
տուածոյ նախախնամութիւնը ու ոչ իր լսելի  
ձայնը կը յայտնէ մեզի իր կամքը։ Ամէն ինչ  
որ կ'ընդունիս՝ իր հրամանովն է, ու ինք  
պատրաստ կեցած է քեզի օդնելու որ իր  
կամքէն զատ ուրիշ կամք չճանչնաս։ Կրնանք  
փոքր տղոց պէս ըլլալ, պատրաստ՝ երթալու  
ուր որ Աստուած կ'ուզէ։ Երբ անձերնիս յօ-  
ժար կը գտնենք հրաժարիլ մինչև իսկ օրի-  
նաւոր վայելքներէ ու ստացուածներէ, ո՞ր-  
չափ երջանիկ կ'ըլլայ մեր կեանքը։ Երբ կը-

նանք իրբեւ հնազանդութեան արդելքներ հրաժեշտ տալ առողջութեան, բարեկամաց ու մեր վայելքներուն, ո՞րչափ կը վայելենք զանոնք : Յայնժամ կը զգանք այնպէս ինչպէս զգացին Աբրահամ ու Սարա երբ Մօրիա լեռան վրայ ետ դարձուեցաւ՝ իրենց զոհի յատկացուցած զաւակը իսահակ : Երջանիկ կ'ըլլայ մեր կեանքը երբ գիտնանք թէ մեր ամէն ըրածը Աստուծոյ ուզածին պէս է, և զգանք թէ մեր բոլոր ունեցածը անորն է ու եթէ մեզմէ առնուի, դարձեալ ապահով տեղ մը կը պահուի :

ԱՆՁՆԱՍԻՐՈՒԹԻՒՆ ԵՒ ԱՆՁՆՈՒՐԱՑՈՒԹԻՒՆ

“Աշխարհիս ամենէն թշուառներն անոնք են որ միայն իրենց անձը կը խորհին, ուրիշներուն երջանկութեան վրայ երբեք չեն խորհիր : Ո՞րչափ մարդիկ կը տեսնենք մեր շուրջը որ հանդստութեան, պատույ, հաճոյքի կամ բարձրացման հետամուտ են, միայն իրենց անձը գոհայնել կը փափաքին : Եթէ իրենց նպատակին հասնին, շատ քիչ երջանկութիւն ձեռք պիտի ձգեն, վասն զի ամէն բան և ին համար գործածուած կ'ըլլայ : Սակայն այլոց դարձուր լաւադոյն զգացմանցդ հոսանքները : Ո՞րչափ աւելի երջանիկ պիտի ըլլաս երբ ապրիս բիւրաւոր սրտերու մէջ քան պիտի ըլլայիր ապրելով միայն քու մէջդ : Ամբողջ սիրող դուրս թափէ այլոց համար ազդու, անշահանդիր կորովի գործեր ընելով, հոգ չէ թէ

ո՛րչափ անձնուրացութիւն պահանջած ըլլան, և մինչև իսկ այս կենաց մէջ հարիւրապատիկ վարձատրութիւն պիտի ընդունիս : Մեր պարտըն է տիեզերքի ցուցնել էակ մը որ կը վայելէ այն ամէն վայելքները որոց համար ստեղծուած է մարդ : Այս ի՞նչպէս ընելու ենք : Եսը մոռնալով և մեր խորհուրդները, ժամանակը, զգացումներն ու ստակը ուրիշներուն օգտին նուրիելով : Այսպէս ճշշմարիտ երջանկութեան ներքին ու յարաճուն իրադործութիւն մը տեղի պիտի ունենայ : Ոչ ոք — թող ընէ ինչ որ կրնայ ընել այլոց համար — կրնայ կատարել այն անձնազո՞նութիւնը զոր կատարեց Քրիստոս մեզի համար : Քրիստոսի կեանքը նոյնչափ սիրելի էր իւրեն որչափ ո և է մարդու համար է իր կեանքը, այսու հանդերձ՝ յօժարութեամբ զոհեց զայն ուրիշներուն համար : Անձը ամէն բանէ աւելի սիրելը միշտ մեզ դժգոհ կ'ընէ : Անձնասիրութիւնը մեր մեծադոյն թշնամին է : Մեր բարեկամներուն խրատին անսարով շարունակ նուազ անձնուրաց ըլլալու վտանգին ենթակայ ենք : Երբ կը վարանիս թէ արդեօք առջևել գտնուող երկու ընթացքներէն ո՞րը ընտրես, միշտ ընտրէ այն որ աւելի անձնուրացութիւն կը պահանջէ : Յայնժամ ապահովագոյն ու երջանկագոյն շաւզին մէջ պիտի գտնես անձդ, և քալես Անոր ճամբուն մէջ որ իր անձը ուրացաւ մեզի համար :

## ՍՈՒՐԲ ԳՐՈՑ ՈՒՍՈՒՄԸ

“Միշտ Սուրբ Գիրք ուսանելու յատակագիծ մը ունեցիր։ Կազմէ այնպիսի յատակագիծ մը որուն պիտի սիրես հետեւիլ տարիներով։ Զանա ամէն կիրակի գոնէ երկուժամ տալ Աստուածաշունչը ինամով ուսանելու։ Կարդա սրբազն մատեանը կարգաւ։ Այս եղանակը առաւելութիւններ ունի, մասնաւանդ անոնց համար որ հոգերու և աշխատութեան ներքե ճնշուած են, կամ որոց մտքերը մշակուած չեն։ Կարդալու անյօժարութիւնը այս կերպով կը յաղթահարուի։ Սուրբ Գիրքը դոց ըրէ։ Դոց ըրէ քեզի սիրելի հատուածները և կատարելապէս դոց ըրէ զանոնք։ Մի կրծատեր զանոնք։ Եթէ լաւ մը դոց ըրած ես, յայնժամ երբ մանական մը դաս կու տաս, կամ Սուրբ Գիրքէն խօսքեր կ'ըսես հիւանդի մը կամ կ'աղօթես, ինքնաբերաբար պիտի գան կենաց ջուրին այդ կաթիլները։ Աստուածաշունչին լեզուն աստուածաշնչական խորհուրդներուն լաւագոյն մարմինն է։ Աստուածաշունչին լեզուին մէջ կայ գեղեցկութիւն մը ու զօրութիւն մը որ չգանուիր ուրիշ տեղ։ Միաք պահէ Սուրբ Գրոց խօսքերը ու ճշմարտութիւնները։ Ստէպ մտածութեանցդ առարկայ ըրէ զանոնք։ Զենք կրնար վստահիլ ամենէն հաստատ որոշումներուն, կամ յանկարծական զգացմանց մշումներուն։ ճշմարտութիւնը առաջանական մասնակիւն է։

Է մեղ։ Ո՞րչափ բան կրնանք շահիլ Սուրբ Գիրքը տամնընդինդ տարի ուսանելով։ Անհատնում հանք է այն և ամենէն թանկագին աղամանդները կը հանուին անկէ երբ կը կարծենք թէ այլ ևս չպարունակեր գոհար։ Պատմական մասերը կը վարձատրեն երկարատև ու յաճախակի ուսումնասիրութիւնները։ Որչափ ժամանակ տանք իսրայելի յելի ազգին պատմութեան ուսման՝ շատ չէ։ Այս պատմութեան նկատմամբ երեք կէտկայ զորս միտք պահելու ենք։ Իսրայելի ազգը Աստուծոյ պատգամներն ընդունողներն էին. անոնցմէ պիտի գար Մեսիան։ Եկեղեցւոյ հիմն էին։ Մարդկային բնութեան վրայ աւելի շատ տեղեկութիւն կը ստանանք երրայական ազգին պատմութիւնը ուսանելով։ Քան ու է ուրիշ աղբիւրէ։ Եթէ կ'ուզենք Աստուծմէ սորվիլ, կարդանք այդ պատմութիւնը. Եթէ կ'ուզենք ճանշնալ մեր անձերը, մեր սրտերը լաւ մը պատկերացած պիտի գտնենք անոր մէջ։ Երբ կը կարդաս Սաղմոսաց գիրքը և Առաքելոց Թուղթերը, մէն միբառի վրայ մտածէ, և ու աղօթէ ամէն համարի վերջը։ Թող հոգիդ երբեմն բերկրի Սուրբ Գիրքը կարդալով, անոր առջև մտածելով և աղօթելով։ Ո՞րչափ յաճախ համար մը պիտի ազգէ սրտին։ Եթէ Սուրբ Գիրքը մի՛այն թոյլատրուի մեր գովրոցներուն մէջ առաջին տեղը բռնել, փոյթ չեմ ըներ թէ որչափ կարեւորութիւն կու տանք միւս գիտութեանց։

Ո-րուսկիներ  
ԶԱՍՏՈՒԱԾ ՓՆՏՈԵԼ, Եա. Ա. 1-20:

1. Է շատ պարզ գործ մը :
2. Շատ անկեղծ գործ մը :
3. Միայն Աստուծոյ հետ գործ մը :
4. Փրկութիւն մը քեզի՝ ճիշդ ինչպէս որ ես, ոչ թէ ինչպէս որ չես :
5. Փրկութիւն մը որ ապահովուած է, և ոչ երևակայական :

ՔՐԻՍՏՈՍ ԽԱՉԵԱԼ

1. Աստուած այդշափ սիրեց աշխարհը :
2. Միածին Որդին Հօր Աստուծոյ հաւասար էր :
3. Ի յաւիտենից Քրիստոս իր անհուն մտքին մէջ ունէր փրկագործութեան այս ծրագիրը :
4. Երբեք Աքանեց նա իր գործը :
5. Ելք ժամանակը լեցուեցաւ՝ այս աշխարհը եկաւ :
6. Իր ամբողջ երկրաւոր կեանքը այս գործին նուիրեց :
7. Մինչ վերջին դէպքերը կը մօտենային՝ իր աչքը այս մեծ գործին ուղղուած էր :
8. Իր վերջին տեսակցութիւնը աշակերտաց հետ :
9. Քրիստոս գեթմեմանի պարտէզին մէջ :
10. „ իր սպանիչներուն առջև :
11. „ խաչին վրայ :

12. Քրիստոս հոգին կ'աւանդէ : լնէ :
13. „ մեռեներէն յարութիւն կ'առ ~
14. „ երկինք կը համբառնայ :
15. „ Աստուծոյ աջ կողմը կը նստի մեզի համար բարեխօսութիւն ընելու : Որո՞ց համար : Ի մէջ այլոց մեզի համար որ աշխարհիս մէջ կը գտնուինք. անոնց համար որ գեռ նոր վերատին ծնած են. անոնց համար որ կ'անձ կան իրենց հոգիները փրկել. անոնց համար որ կը բաղձան աւելի խորապէս շահագրգռութիւն հոգեոր խնդիրներու . անոնց համար որ անփոյթ են :
16. Քրիստոսի ամպերով գալը : Կը լքանէ զանոնք որ դինք մերժեցին : Կ'ընդունի իր աշակերտները : Անոնք իր հետ երկինք կը համբառնան : Երկնից գոները կը գոցուին : Փրկուողներուն երգը : Յաւիտեան Քրիստոսի հետ ըլլալուն ստուգութիւնը :

ՆՈՐ ԵՐԳԸ, ՑՊՄ. Ե. 9.

ՔՐԻՍՏՈՍ Ա- Ա- Թ- Թ- Ա- Ա- Ե- Ե-

1. Մեզի համար մեռաւ :
2. Իր Սուրբ Հոգին տուած է մեզի :
3. Մեզ որդեգրած է իրենները ըլլալու :
4. Ներած է մեր բոլոր մեղքերը :
5. Իր աստուածային զօրութիւնը, իմասթիւնը և սէրը նուիրած է իր ընտրեաներուն ծառայութեանը :

6. Մեղի պիտի շնորհէ իր ներկայութիւնը :
  7. Մեղի պիտի շնորհէ իր համակրութիւնը :
  8. Մեղ մասնակից կ'ընէ երկրի և երկնից մէջ արքայութեան :
  9. Մեղ երբեք պիտի լրանէ :
  10. Մահուան ատեն մեր քովը պիտի կայնի :
  11. Մեղ պիտի պաշտպանէ դատաստանին օրը :
  12. Մեղ փառաց տունը պիտի տանի :
  13. Մեղի նոր երդը պիտի սորվեցնէ :
- 

### ԵՐՐՈՐԴ ՇՐՋԱՆ

ՕՐ. ԼԱՅԸՆԻ ՅԵՏ ՄԱՀՈՒ ԱԶԴԵՑՈՒԹԻՒՆԸ

Մարդ մը մեռնելէն ետե իրեն նպաստաւոր երկու տեսակ ազգեցութիւն կրնայ ու նենալ : Հոս բոլորովին հաշուէ դուրս կը ձգենք ազգեցութիւն և համբաւ Աղեքսանդրի ու Նափոլէոնի նման մեծ զօրութեան տէր անձանց որոց անունները մարդկային պատմութեան մէջ անջինջ կերպով արձանագրուած են, որ սակայն էին հսկայ փառասիրութեան տէր անձինք, որոց նպատակը չէր մարդոց օգտակար ըլլալ կամ Աստուծոյ փառաց համար ապրիլ : Այսօրինակ ազգեցութեան հետ առ այժմ դորձ չունինք : Մեր ուշադրութեան առարկայ եղածն է յետ մահու ազգեցութիւնն անոնց, որոց անունները

յետագայ սերունդներու սրտերուն մէջ մեծ տեղ մը կը գրաւեն, որ այլ և այլ եղանակներով ու աստիճաններով օրհնութիւն եղած են իրենց աղգին . իրենց ետեը ձգած ազգեցութիւնը եղած է (1) քաղցրաբոյր յիշատակ մը բարձր ձգտումներու նուիրուած ազնիւ, անշահախնդիր կեանքի մը, որ օրհնութիւն եղած է այլոց, կամ (2) այնպիսի ազգեցութիւն մը՝ որ ունի կենդանացու ցիշ ու ներշնչիչ զօրութիւն, և տարուէ տարի, թերևս դարէ իդար, կենդանի զօրութիւն մը կ'ըլլայ մարդկային ընկերութեան մէջ, գրականութեան մէջ, ազգային ու միջազգային կենաց մէջ, կամ Աստուծոյ հոգեկան թագաւորութեան յառաջդիմութեան մէջ : Ամէն ճշմարիտ, անարատ, անշահախնդիր կեանք, երբ ինք կ'երթայ՝ ետեւը կը թողու քիչ շատ առաջին տեսակին նման ազգեցութիւն որ այնչափ հզօր կ'ըլլայ որչափ այդ կեանքը ունեցած ըլլայ բարձր նպատակ, եղած ըլլայ մաքուր, օգտակար և մեծահոչակ : Երկրորդ կարգի ազգեցութեան օրինակներ դիւրին է միտք բերել, չոմերոս, Տանթէ, Շեյքսփիր, Ուաշինգտոն, Ճան Հառլուրտ, Ֆլորընս Նայթինկէլլ, Ոսկերերան, Գրիֆոր Լուսաւորիչ, Լուտեր, և շատ ուրիշներ : Մօր մը ազգեցութիւնը, օրինակի համար՝ Ոսկերերանի, Յգոստինոսի, Բեռնարդոսի կամ Ուաշինկմընի մայրերուն, անբաժան կերպով զուգորդուած է իրենց մեծանուն զաւակաց ազգեցութեան

հետ, և նշանաւոր օրինակ է յետ մահու երշ  
կու կարդ աղդեցութեանց ալ:

Արդ, Մէյրի Լայրն յետ մահու երկու  
կարդ աղդեցութիւններն ալ ունի, և խիստ  
բարձր աստիճանաւու: Ուստի նախ մեր ուշ  
շադրութեան առարկայ ընենք յետ մահու  
աղդեցութիւնը Օր. Լայրնի իրրկ մտքի ու  
նկարագրի մեծ զօրութեան տէր, եղական  
գիրքով և սկիզբէն մինչև վերջը բոլորովին  
այլոց բարօրութեան նուիրուած կենօք ապ-  
րող անձի մը: Իր ամբողջ աշակերտուհինե-  
րուն թիւն էր աւելի քան երեք հազար:  
Մտերիմ բարեկամութիւն հաստատած էր ոչ  
միայն անոնց, այլ նաև անոնց ծնողներուն,  
և բոլոր իրեն հետ առնչութիւն ունեցողնե-  
րուն հետ: Թէ Օր. Լայրն իր աշակերտուհի-  
ներուն մտքերուն ու նկարագիրներուն մայրն  
էր յոյժ հազու աղէպ աստիճանաւ, որուն նմա-  
նը տետրակիս հեղինակը իրօք չդիտեր, վկա-  
յած են ամէն անոնք որ կը ճանչնային զինք  
ու իր գործը: Իր հոգեոր կեանքը, տարուէ  
տարի, օրէ օր, կը հոսէր, անտեսանելի ա-  
ռուներով իր աշակերտուհիներուն դիւրա-  
թեք կեանքերուն ու նկարագիրներուն մէջ:  
Իր աշակերտուհիներուն մեծ մասը մէյմէկ  
Մէյրի Լայրններ եղան, վարեցին անոր  
կեանքին նման կեանքեր:

Օգնութեամբ անոնց որ ձեռնհաս են իր  
վարքը ու աղդեցութիւնը կշռել, որ ձեռ-  
նարկած են անոր մահէն ետքը անոր կենաց

ու գործին, նկարաղրին ու աղդեցութեան  
էութեան վերահասու ըլլալ և գրիչով  
արտայայտել զայն, ջանանք չափել իր յետ  
մահու աղդեցութեան այս առաջին տարրին  
զօրութիւնը ու արժէքը:

Մէյրի Լայրն յոյժ քաջակաղմ էր, և  
կենաց սովորական ճնշման ներքե կրնար ապ-  
րիլ ութառուն տարի: Իր միտքը վերջին աս-  
տիճան սուր ու զօրաւոր էր: Կրնար կա-  
տարելապէս ըմբռնել մարդկային խորհրդոց  
առարկայ ամէն խնդիր, վերացական ճշմար-  
տութիւնները կրնար հասկնալ իմաստաէրի  
մը նման և զանոնք լուսաբանել կանայի  
մտքի մը ջինջ տեսողութեամբ: Իր խորհուրդ-  
ները բիւրեղի նման պայծառ էին, և զանոնք  
արտայայտելու գրեթէ անզուգական կարո-  
ղութիւն ունէր: Սակայն իր առողջ դատո-  
ղութեան և մտքի հաւասարակութեան՝  
իր ստեղծիչ տաղանդին, ճարտարութեան,  
երկայնմտութեան և գործնական իմաստու-  
թեան հետ միութիւնն էր որ իր ժամանակի  
բոլոր սեռակիցներէ աւելի անուանի ըրաւ  
զինք:

Սակայն, այն բանը որ ըրած է Օր. Լայրն  
ու անոր աղդեցութիւնը այսչափ աննման,  
էր դէպ Աստուած իր սիրոյն և մարդկային  
հողիներուն բարիք ընելու իր փափաքին ջեր-  
մութիւնը, անկեղծութիւնը և յանկուցիչ զօ-  
րութիւնը: Իր աշակերտուհեաց կենաց միջոց-  
աւ կ'աղդէր բոլոր անոնց որ առնչութիւն

ունէին աշակերտուհիներուն հետ. և ղանոնք կ'աղնուացնէր աշակերտուհիներուն մարդասէր ու անձնուրաց կենաց աղդեցութեամբ :

Իր հաւատքը կենդանի ու անվախ էր : Զինք ամենէն աւելի սիրողները զինք ամենէն քաջ ճանչցողներն էին, և իր աղդեցութեամբ անձնուրաց կեանք վարելու դրդուղները : Իր համակրութեան շրջանակը յոյժ լայն էր : Իր սէրն առ օտար երկրաց առաքելական աշխատութիւններն՝ խոր, հզօր ու մշտավիառ էր : Եւ այս սէրը բացարձակապէս անշահախնդիր, անկեղծ ու ջինջ էր, ինչպէս ապառաժէն հոսող առուն :

Իր ընկերը, Օր. կրանթ, կ'ըսէ իրեն համար, “Կը հասկնար ու կը սիրէր Աստուծոյ բնութիւնը ու կառավարութիւնը : Խանդաղատանք ունէր Սուրբ Գրոց իբրև Աստուծոյ յայտնութիւնն գէպ ի մարդիկ . օրէնքը իր սրտին վրայ դրած էր և նշանաւոր գիւրութեամբ ուրիշներուն կը հասկցնէր զայն : Լիովին կը գնահատէր Աւետարանը իբրև կորսուածներուն համար փրկութեան ճամբայ բացող գիրը, և անոր բոլոր ծմբարտութեանց մասին կենդանի հաւատք ունէր, մանաւանդ Անոր վրայ որ նոյն ինքն ծշմբարտութիւնն է : Բարեսիրական չերմ զգացումներ կը տածէր բոլոր անոնց հանդէպ որոց համար քրիստոս մեռաւ, և ունէր խանդավառութիւն մը բոլոր կարողաթեամբ աշխատելու Փրկիչը ամէն մարդոց ծանօթացնելու համար : Կը հաւա-

տար թէ ինչ որ պէտք է կատարել՝ իրօք կրնայ կատարուիլ, և սակայն առանց Աստուծոյ օրհնութեան ամէն ջանք ապարդիւն կը մնայ, և Անոր վրայ անխախտ վրստահութիւն մը միացուցած էր ուրախ սրտով անոր օդնութեան ակնկալութեան հետ :

Միշտ կը զգար ու իր աշակերտուհիներուն վրայ կը տպաւորէր անհատական պատասխանատութեան զգացումը ամէն բանի մէջ, և Աստուծոյ վրայ ամենէն պատկառուած ու սրտազին ապաւինութեան հետ կը յօդէր զայս : Կը կրէր մեծ, բարձր բաներու տենչացող հոգիներու հանդամանքները, և իր գիրքին բերմամբ, իր աղդեցութիւնը անզուգական եղաւ : Հետևեալ խօսքերը քաղուած են Օր. Լայլնի մահէն ետև Տր. Հիշքոքի խօսած մէկ քարոզէն,

“Ինչպէս որ մեր Փրկիչը երբ երուսաղէմ կ'երթար վերջին անգամ, իր մօտալուտ չարչարանքները աչքին առջե ունենալով, իր աշակերտներէն առաջ կ'անցնէր իբր թէ անհամբեր՝ չարչարուելու, այնպէս ալ Օր. Լայլն, երբ պարտականութեան ձայնը կը կանչէր, ուրիշներուն չէր սպասեր, այլ պարաստ էր անոնցմէ առաջ անցնիլ, իր զոհողութիւնները, նուէրները և ջանքերը չափելով ոչ թէ ուրիշներուն օրինակներով, այլ իր պարտաճանաչութիւնով : Անհատակամն պատասխանատութեան այս զդացումը միշտ իր աշակերտուհիներուն սրտերուն վրայ տպաւորէլ կը

ջանար մեծ յաշողութեամբ։ Այնչափ զօրաւոր էր իր հաւատքը մասնաւոր նախախնամութեանց վրայ որ իր սիրելի ծրագիրներուն գործադրութեան յապահումը ու անյաջողութիւնը շատ քիչ վճառութիւն կը պատճառէին իրեն և ընդհակառակն զի՞նք կ'առաջնորդէին աւելի խնամով քննելու թէ արդեօք իր մէջ կամ իր ծրագիրներուն մէջ սխալմունք մը չկա՞յ որ պատճառ եղած է այդ յապաղման ու անյաջողութեան։ և կրցածը ընելէ ետե, երկար ատեն ու զուարժ սրտով կը սպասէր Աստուծոյ բազուկին յայտնութեան։ Այնչափ յաճախ ականատես եղած էր իրեն ինպաստ գրեթէ հրաշալի միջնորդութեանց որ սոսկալի գժուարութիւններու և վտանգներու առջև իր հաւատքը յաճախ կը տեսնու էր թէ խորարմատ և առաձգական էր, մինչ ուրիշներունը շուտով տեղի կու տար։

“կրթութիւնը զի՞նք յարմար ըրած էր իր գործին ու անոր փառաւոր արդեանց։ կը հիանանք երբ կը նայինք անոր աշխատութեանց քանակին ու մեծութեան վրայ։ Քիչ չեր աշխարհի համար այսչափ բան ըրած են իրենց կենդանութեանը, կամ այսչափ ճոխ կտակ մը թողած են իրենց մահուանէն ետքը։ Անոր պատմութիւնը ցոյց կու տայ մասնաւոր նախախնամութեան մը ձեռքը, գրեթէ նոյնչափ յայտնապէս որչափ Ուրահամի, Մովսեսի, Եղիայի կամ Պօղոսի հրաշալի պատմութիւնը։ մեղ կ'ըսէ թէ ո՛րչափ

երանելի է վստահիլ Աստուծոյ երբ կը ջանանք բարիք գործել, թէ և խաւարը այնչափ թանձր ըլլայ մեր շուրջը որ մինչև իսկ քայլ մը հեռին շտեսնենք, և մեղ կը յորդորէ վստահ քայլերով յառաջանալ իբր թէ մեր առջի լոյս ըլլար։ իր կեանքը կատարելաւ գործեալ կեանք մըն էր և իր գործը կատարելավոր գործ մը։ իր բոլոր կարեոր ծրագիրները յաջողապէս գործադրուած և երկար ասենուան կատարուած վորձերով փորձուած էին, և վարժարանը ճիշդ ուրիշներու ձեռայ յանձնուելու դիրքին մէջ էր երբ մեռաւ։ Երանի թէ մեղի պատմէր թէ ինչպիսի աւելի ընդարձակ ծրագիրներ կը պատրաստէ և կը գործադրէ հիմա տիեզերքի բարելաւութեան ու Աստուծոյ փառքին համար, և թէ երկրի վրայ իր ստացած կրթութիւնը ո՛րչափ յարմար ըրաւ զի՞նք, վերը, աշխատութեան ազնուագոյն գաշտին համար։ այնպէս որ այս նախախնամական արարքները որ մեղի իրենց վախճանը լրացուցած կը թուին հոսախարհիս մէջ, արդեամբ միայն անհրաժեշտ միջներ եղած են զի՞նք պատրաստելու այնպիսի գործի մը որ իր բոլոր կարողութիւնները պիտի զբաղեցնէ ու մեծ բերկրութիւն պիտի տայ իրեն՝ յաւիտենական բոլոր գարերուն մէջ։”

Դառնանք յետ մահու ազգեցութեան երկրորդ տեսակին, այսինքն՝ կենդանացուցիչ ու ներշնչիչ զօրութեանց ազգեցութեան,

զորս մարդոց մէջ կը ծնուցանեն անհատական կեանքեր — որ տարուէ տարի մշտնջենաւուրապէս օրհնեալ պտուղներ կու տան — և հարցընենք թէ Օր. Լայընի կեանքը ու գործը ունէ՞ր այս կարգի աղդեցութիւն և ո՛չափ մեծ :

Առաջին իրողութիւնը որ մեր ուշադրութեանը կը ներկայանեայ և որ հաստատական պատասխան կու տայ այս հարցման, սա է թէ Մէյրի Լայընի ի Սառութհ Հէտլի կատարած գործը, որ շատ տեսակէտներով եղական էր, ծանր վնաս չկրեց, իր յառաջադիմութիւնը արդեամբ չկասեցաւ անոր մահուամբ, ոչ ալ այդպէս եղած է անոր մահուանէն մինչև հիմա տեղող քառասունրվեց տարուան միջոցին ։ Վարժարանը հիմա գոլէճ եղած է ։ Իր ուսման յայտագիրը ճոխացուած է ։ Կանոններու, զանգակներու և տեսուչներու դրած սանձերը, մասամբ թուլցուած են կամ տեղի տուած են աշակերտուհիներուն մտքերուն աւելի ազատ ու առածգական զարդացման պահանջներուն առջև ։ Աշակերտուհինեաց կամաւոր ծառայութեան յաջորդած է փոքր ի շատէ վճարեալ ծառայութիւն ։ Գիտութեանց ճիւղերը շատ աւելի ընդարձակուած են, և մակածական մեթոսը մուծուած է գոլէճին մէջ ։ Գեղեցկութիւնը աւելի մեծ բաժին ունի շէնքերուն ու պարտէ զներուն մէջ ։ Սակայն ասոնք փոփոխութիւններ չեն Օր. Լայընի ծրադիրներուն մէջ, այլ անոնց բնական զարդացումը ։

Մառնթ Հոլեռք չէ և երբեք չէ եղած այնպիսի վայր մը ուր հարուստ ծնողներ յանախ դրկենց իրենց աղջիկները ։ Ուտեսակի, բնակութեան և դաստիարակութեան վճարմունքը հաստատութեան հիմնարկութեան ժամանակի վճարմունքին գրեթէ չորս անգամն է հիմա ։ Սակայն շատ ծնողներ ամէն տարի այս գումարին քառապատիկը կը վճարեն աղջկան մը դաստիարակութեան համար, և պէտք չէ մոռնանք թէ բոլոր դպրոցական ծախքերը 60 տարուան մէջ յոյժ բազմացած են ։ Կարեւոր կէտը սա է որ, աներկրայ, Մառնթ Հոլեռքի գոլէճը իր բոլոր էական կէտերով է ծիշդ նոյն գոլէճը զոր Մէյրի Լայըն բացաւ, միայն զարդացած ու ճոխացուած և աւելի աղդու միջոց մը եղած՝ ներկայ սերունդը դաստիարակելու, իբր թէ տակաւին Օր. Լայըն ըլլար անոր տնօրէնուհին ։ Սակայն Օր. Լայընի յետ մահու աղդեցութեան մշտատեսութեանը ուրիշ տեսակ ու աւելի աչքի զարնող ապացոյց ունինք, և այս ապացոյցը երրեակ է ։ (ա) Միացեալ նահանդաց մէջ բազմաթիւ հաստատութիւններ հիմնուած են յայտնապէս Օր. Լայընի վարժարանին վրայ ձեռւած, ու դիմ առ դիմը ընդօրինակուած տիպար պատկերէն, և նմանօրինակ յաջողութիւն դտած են ։ Այսպիսի դպրոցներու աւելի մեծ թիւ մը հաստատուած է աշխարհի գրեթէ բոլոր մեծ միսիոնարական դաշտերուն մէջ, որոց կազմակեր-

պութիւնները կը տարբերին վերցիշեալ վարժարանէն միայն ժամանակի, տեղի ու ցեղի պահանջներուն համեմատ։ Թուրքիոյ մէջ հիմուած աղջկանց բարձր վարժարանաց մեծ մասը Օր. Լայրնի դպրոցին վրայ ձեռած են։ Հնդկաստան և Չինաստան, Հարաւային Ափերիկէ և Խաղաղական Ավիանոսի կղղիները գտնուածները, նոյնպէս անոր յաջող ընդօքինակութիւններն են։ (բ) Աղջկանց դաստիարակութեան համար ուրիշ դպրոցներ ու գոլէճներ ևս հիմուած են, — զոր օրինակ երկու յոյժ ընդարձակ և նշանաւոր գոլէճներ նաև իսկ Մասաչուսէցի մէջ — որ չեն հետեւիր ճշդիւ Մառնթ Հոլեռքի վարժարանին ծրագրոյն։ Դասընթացքները աւելի ճռի ու ընդարձակ են, աւելի բարձր է վճարմունքը և աւելի լայն ու ազատ ասպարէզ կ'ընծայեն մտաւոր զարգացման, սակայն բոլորն ալ աներկբայ մեծ մասամբ օգտուած են Սառութհ Հետիի վարժարանին ձեռք բերած արդիւնքներէն, և յիրաւի ուղղակի Մէյրի Լայրնի կը պարտին այն մղումը որպէս ծագում առին։ Ս.յս նշանաւոր ապացոյց մըն է թէ մարդու մը կեանքը ո՛րչափ բարերար ազգեցութիւն կրնայ ունենալ իր շուրջը։ Դիւրին էր մակաբերել այն յաջողութենէն զոր ունեցաւ Օր. Լայրն Մառնթ Հոլեռքի վարժարանին մէջ, ուր հարկադրուեցաւ բազմաթիւ աշակերտուհիներ ետ դարձնել տեղւոյ չդոյտթեան համար, թէ ու-

րիշ նմանօրինակ հաստատութիւններ ալ պէտք էին։ Եւ զարմանափի պիտի ըլլար եթէ երմէ դաստիարակուողները կարող չըլլային իրենց ուսմունքը քանի մը կէտերու մէջ զարգացնել։ Ճիշդ զայս նախատեսեց նոյն ինքն Օր. Լայրն։ (դ) Մէյրի Լայրնի մահէն ի վեր, աղջկանց դաստիարակութիւնը մեծապէս ընդգարձակելու փափաքը ու միտումը մեծ քայլերով աճած է։ Ընդհանուր եղած է սա համոզումը, զոր Մէյրի Լայրն արտայայտեց 60 տարի առաջ, թէ աղջկիները նոյնչափ դաստիարակութիւն ընդունելու են աշխարհի մէջ մայրերու դեր կատարելու համար, որչափ տղաք՝ աշխարհի մէջ այր մարդոց գործեր ընելու համար։ Եթէ հարցուի թէ ո՞վ տուած է մեծագոյն մղումը ու գրգիռը Միացեալ Նահանգաց մէջ այս համոզման գորանալուն՝ առանց վարանման կը պատասխանենք, Մէյրի Լայրն։

Ումերիկայի Միացեալ Նահանգաց բոլոր արևմտեան նահանգներուն մէջ, և մասամբ ալ արևելեան նահանգներուն մէջ, երիտասարդներ ու երիտասարդուհիներ մի և նոյն գոլէճներուն մէջ կ'աշակերտին, միատեղ դասկ'առնեն և միատեղ կ'ընեն ամէն հասարակաց վարժութիւն, մի և նոյն սրահին ու դասարանին մէջ։ Դաստիարակութեան այս գըրը ութիւնը ձեռվ կը տարբերի Մէյրի Լայրնի հաստատածէն, սակայն Մէյրի Լայրնի ոգին, և անոր կենաց մեծ բազմանքը ու ձգտումը մարմնացած են այս գոլէճներուն մէջ ու ա-

նոնց մէջ որ հիմնուած են լոկ աղջկանց հաշմար : Այս սոսկ խօսք չէ : Դիտէ այն սկըզբունքները որ վաթսուն տարի առաջ Օր. Լայրնի ծրագիրներուն հիմք կը կազմէին, և որ մեծաւ մասսամբ անոր մտքին ծնունդներն են.

1. Թետին ծայր խնայողութիւն ամէն բանի մէջ. ծախքերը կարելի եղածին չափ քիչ ընել, որպէս զի չափաւոր կարողութեան բայց զօրաւոր մարմնոյ ու մտքի տէր և յառաջդիմութեան չերմապէս փափաքող անձինք վայելեն բարձրագոյն դաստիարակութեան բոլոր պատեհութիւնները :

2. Վարժարանին մասնաւոր նպատակը պարտի ըլլալ արդէն քիչ շատ դաստիարակեալ աշակերտուհիներ պատրաստել վարժուհի ըլլալու :

3. Ընտանեկան զգացում մը մշակել, մանաւանդ ընդհանուր առտնին ծառայութեամբ, որուն մէջ ամէնն ալ բաժին ունենան :

4. Ամէն բան բոլոր ջանքով և ճշդութեամբ ընել :

5. Նկարագրի շինութիւնը համարիլ աւելի կարևոր գործ քան հմտութեան բոլոր մթերքը ի միասին, և միշտ առաջնութիւն տալ անոր :

6. Դպրոցին միշտ բարախել տալ մանաւանդամբող կենաց ու հմտութեանց՝ Աստուծոյ ու ընկերներուն կատարեալ, մտացի և սրտագին նուիրման փափաքին որ տեսնուի վարժուհիներուն վրայ ու մշակուի բոլոր աշակերտուհիներուն մէջ :

7. Եւ իբրև հետեւութիւն նախընթաց սկզբունքներուն, կամ լաւ ևս իբրև պայման անոնց յաջողութեան, ամէն վարժուհի առաջնորդել, ոչ թէ քեզու աշակերտուհին և անոր հետեւելու, այլ ըլլալու և ցույնելու, և ոչ միայն իւրաքանչիւրը իր ճիւղին մէջ, այլ ամէն բանի մէջ՝ կենաց ու վարուց այն մտատիպարը, այն անյողղողդ ձգտումը դէպ իւրագործում բարձրագոյն գաղափարականաց, որ միշտ լաւագոյն ու ազդուագոյն մղումն է դեռահաններու մտաց, իրենց ուսման ընթացքին մէջ :

Թէ ասոնք էին Մէյրի Լայընի յաջողութեան գաղանիքը, անտարակուսելի է . թէ այս սկզբունքները, գոնէ իրենց էական ու ազդու զուգորդութեամբ, մեծաւ մասամբ նոր էին իր օրուան համար, անժխտելի է . թէ ասոնք կենսատու և շնիչ տարրեր եղած են լաւագոյն դպրոցներուն որ վերջին վարժուուն տարուան մէջ հիմնուած են Ամերիկայի քրիստոնեաններուն ձեռքով և թէ յոյժ հզօր ազդեցութիւն գործած են իդական սեռին դաստիարակութեան բոլոր հրաշալի յառաջդիմութեան վրայ, արեի պէս պայծառ է : Բաց աստի, հաւասարապէս պայծառ է որ ամէն դաստիարակութիւն որ չընդունիր և չգործադրեր այս սկզբունքներուն գոնէ վերջին չորսը, սահմանեալ է, կանուխ կամ ուշ, անյաջողութեան մատնուիլ դեռահաս մտքերը դործնական կեանքի պատրաստելու հա-

մար դաստիարակութեան և կրթութեան բու-  
լոր հիմնական վախճաններուն մէջ:

Այսպէս շատ համառօտարար նկարեցինք  
աշխարհի ամենէն անկեղծ, ամենէն աղնիւ,  
ամենէն համեստ և ամենէն օդտակար կա-  
նանց միոյն կեանքը ու վարքը, գործը ու  
ազդեցութիւնը: Օր. Լայըն ունէր փայլուն  
ձիրքեր, վարեց նշանաւոր կեանք մը, ունե-  
ցած է անմահական ազդեցութիւն մը:

Ասոր նման շատ անարատ ու անձնուել  
կեանքեր վարած են անծանօթ մարդիկ, սա-  
ւուոց համար նուազ տեսանելի դիրքե-  
րուն, ուոք կու տանք Աստուծոյ այսպիսէ  
կեանքի մը համար, որ ամենուն տեսանելի  
տեղ մը զետեղուած էր՝ ըլլալու օրինակ ա-  
մենուն:



2013



